



BOSNA I HERCEGOVINA / FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
BOSNIA AND HERZEGOVINA / FEDERATION OF BOSNIA AND HERZEGOVINA
FBIH INSTITUTE FOR HEALTH INSURANCE AND REINSURANCE

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

**IZVJEŠTAJ O IZVRŠENJU FINANSIJSKOG PLANA
ZAVODA ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE ZA 2023. GODINU**

Sarajevo, februar 2024. godine

Sadržaj

1. Uvod	1
2. Prihodi Federalnog zavoda osiguranja i reosiguranja	5
2.1. Prihodi od doprinosa.....	7
2.2. Prihodi iz Budžeta Federacije BiH.....	7
2.3. Ostali prihodi	9
3. Rashodi Federalnog zavoda osiguranja i reosiguranja.....	9
3.1. Plate, naknade i doprinosi poslodavca.....	12
3.1.1. Bruto plaće i naknade zaposlenih	12
3.1.2. Naknade troškova zaposlenih	12
3.1.3. Doprinosi poslodavca i ostali doprinosi	12
3.2. Izdaci za materijal i usluge.....	12
3.2.1. Putni troškovi, izdaci za energiju, izdaci za komunikaciju i komunalne usluge.....	12
3.2.2. Nabavka materijala.....	12
3.2.3. Izdaci za usluge prijevoza i gorivo	13
3.2.4. Naknade za iznajmljivanje.....	13
3.2.5. Tekuće održavanje	13
3.2.6. Osiguranje i bankarske usluge	13
3.2.7. Ugovorene i druge posebne usluge	13
3.2.8. Kapitalni izdaci	15
3.2.9. Tekuća rezerva.....	15
4. Finansijski rezultat	15
5. Broj i struktura zaposlenih	15
6. Zaključak	16

1. Uvod

Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod) je sačinio Izvještaj o izvršenju Finansijskog plana Federalnog zavoda osiguranja i reosiguranja za 2022. godinu (konsolidovani) u skladu sa odredbama Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22 i 25a/22), Zakona o izvršavanju Budžeta Federacije Bosne i Hercegovine za 2023. godinu („Službene novine Federacije Bosne i Hercegovine“, broj: 6/23), Pravilnika o finansijskom izvještavanju i godišnjem obračunu budžeta-proračuna u Federaciji Bosne i Hercegovine („Službene novine Federacije Bosne i Hercegovine“, broj 69/14, 14/15, 4/16, 19/18 i 3/21) i Zakona o zdravstvenom osiguranju („Službene novine Federacije Bosne i Hercegovine“, br. 30/97, 07/02, 70/08, 48/11, 36/18 i 61/22).

U skladu sa Zakonom o zdravstvenom osiguranju i Statutom Federalnog zavoda, Federalni zavod, u okviru svoje registrovane djelatnosti, obavlja poslove:

-) učešće u izradi Zakona u oblasti zdravstva, kao i drugih propisa i podzakonskih akata u vezi sa ostvarivanjem prava iz obaveznog zdravstvenog osiguranja;
-) praćenje politike provođenja i unapređenja obaveznog zdravstvenog osiguranja i koordiniranje rada kantonalnih zavoda zdravstvenog osiguranja u tom domenu;
-) planiranje i prikupljanje sredstava federalnog fonda solidarnosti i realizacije programa zdravstvene zaštite koji se finansiraju sredstvima federalne solidarnosti, saglasno Odluci o vertikalnim programima;
-) obezbjeđenje prava osiguranika u okviru federalnog fonda solidarnosti u cilju ujednačavanja prava osiguranih lica na nivou Federacije BiH kod provođenja određenih programa zdravstvene zaštite;
-) izradu međunarodnih ugovora o socijalnom osiguranju u dijelu koji se odnosi na obavezno zdravstveno osiguranje i provodi ih;
-) koordiniranje rada kantonalnih zavoda zdravstvenog osiguranja u provođenju ovih ugovora i neposredno učestvovanje u međunarodnim dogovorima vezanim za ovu oblast,
-) obavljanje poslova u vezi sa ostvarivanjem zdravstvene zaštite u inostranstvu za koje je ovlašten u skladu sa Zakonom o zdravstvenom osiguranju;
-) osiguranje vođenja jedinstvenog informacionog sistema obaveznog zdravstvenog osiguranja;
-) prikupljanje, analizu podataka i izradu obračuna ukupnih sredstava ostvarenih i utrošenih u zdravstvu Federacije Bosne i Hercegovine;
-) izradu cijena zdravstvenih usluga iz osnova obaveznog zdravstvenog osiguranja;
-) kao i druge poslove koji se odnose na rad federalnog fonda solidarnosti, a proizilaze iz zakona i drugih propisa te podzakonskih akata.

U Izvještaju o izvršenju Finansijskog plana Federalnog zavoda prezentiraju se zbirni podaci o ukupno ostvarenim prihodima, po izvorima sredstava i rashodima po namjenama, te ostvarenom finansijskom rezultatu u 2023. godini.

Podaci o ostvarenim prihodima i izvršenim rashodima za 2023. godinu prikazuju se uporedno sa podacima planiranim po Finansijskom planu za 2023. godinu i ostvarenim u 2022. godini.

U nastavku se navode najznačajnije aktivnosti na osnovu kojih su, u 2023. godini, donesene odluke od strane Upravnog odbora i Stručne službe Federalnog zavoda, a koje se odnose na rad i poslovanje Federalnog zavoda u 2023. godini.

Finansijski plan Federalnog zavoda za 2023. godinu i Odluka o privremenom finansiranju za period 01.01.-31.03.2023. godine

Upravni odbor Federalnog zavoda je, u skladu sa Zakonom o budžetima u Federaciji BiH, usvojio Finansijski plan za 2023. godinu i na sjednici održanoj 14.12.2022. godine donio Odluku o usvajanju Finansijskog plana Federalnog zavoda za 2023. godinu, br.02/IV-01-1-4404-1/22 i Odluku o načinu izvršavanja Finansijskog plana Federalnog zavoda za 2023. godinu, br. 02/V-01-1-2207-1/22.

Na sjednici Upravnog odbora Federalnog zavoda održanoj 27.12.2022. godine donesena je Odluka, br.02/V-01-1-4645-1/22, o privremenom finansiranju Federalnog zavoda za period 01.01.-31.03.2023. godine.

Na Finansijski plan Federalnog zavoda za 2023. godinu i na Odluku o načinu izvršavanja Finansijskog plana Federalnog zavoda za 2023. godinu, Parlament Federacije BiH dao je saglasnost („Sl.novine Federacije BiH“, br. 6/23 od 27.01.2023. godine).

Rebalans Finansijskog plana Federalnog zavoda za 2023. godinu (povučen)

Stručna služba Federalnog zavoda sačinila je prijedlog Izmjena i dopuna Finansijskog plana (Rebalans) za 2023. godinu koji je Upravni odbor Federalnog zavoda usvojio na sjednici održanoj 03.08.2023. godine donošenjem Odluke o usvajanju Izmjena i dopuna Finansijskog plana Federalnog zavoda (Rebalans) za 2023. godinu, br.02/IV-01-1-3464-1/23, i Odluke o načinu izvršavanja Rebalansa finansijskog plana Federalnog zavoda za 2023. godinu, br. 02/V-01-1-3461-1/23.

Rebalansom finansijskog plana za 2023. godinu ukupni prihodi, kao i ukupni rashodi, su povećani za 3 mil. KM u odnosu na planirane po Finansijskom planu za 2023. godinu i to po osnovu povećanja tekućih transfera iz Budžeta Federacije BiH koje je izvršeno na osnovu:

- Odluke Vlade Federacije BiH iz 2022. godine kojom se odobrava raspodjela sredstava za finansiranje usluga invazivne i interventne kardiologije i kardiohirurgije kod pacijenata kojima su pružene usluge iz ovog programa, a uslijed posljedica izazvanih pandemijom COVID-19, u iznosu od 1 mil. KM. Sredstva po navedenoj odluci su uplaćena u januaru 2023. godine i nisu bila planirana u Finansijskom planu za 2023. godinu, te su iz tog razloga rebalansom finansijskog plana uključena u prihode,

- Finansijskim planom za 2023. godinu sredstva za lijekove cistične fibroze nisu planirana budući da ovi lijekovi nisu sadržani u Odluci o listi lijekove koji se finansiraju iz sredstava fonda solidarnosti Federacije BiH. Međutim, Federalni zavod je postupio po Zaključku Vlade V.broj 026/2023 od 01.08.2023. godine kojim je usvojena Informacija Federalnog ministarstva zdravstva o rješavanju problema vezanih za osiguranje terapije biološkim lijekovima za djecu oboljelu od cistične fibroze u Federaciji BiH. U informaciji je navedeno da ukoliko se ima namjera uvrstiti određeni lijek na Listu lijekova fonda solidarnosti Federacije BiH, potrebno je ugaslasiti stručne i ekonomske kriterije za navedeno, te osigurati dodatna finansijska sredstva za ove namjene. U Zaključku stoji da se u Budžetu Federacije BiH za 2023. godinu izvrši preraspodjela sredstava u iznosu od 2 mil. KM, na razdjel Federalnog ministarstva zdravstva za Tekući transfer drugim nivoima vlasti i fondovima – Zavod zdravstvenog osiguranja i reosiguranja Federacije BiH, kao i daljnja zaduženja Federalnog ministarstva zdravstva. Također, ovim zaključkom nalaže se Federalnom zavodu da poduzme potrebne aktivnosti iz okvira svojih nadležnosti za nabavku lijekova za liječenje cistične fibroze.

U skladu sa navedenim, Vlada Federacije BiH je donijela Odluku o izmjenama i dopunama Odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-za Zavod zdravstvenog osiguranja i reosiguranja

Federacije BiH za 2023. godinu kojom su ukupna budžetska sredstava za 2023. godinu povećana sa 33,5 mil. KM na 35,5 mil. KM. Povećanje sredstava u iznosu od 2 mil. KM odnosi se na Program 2. „Obezbjedenje prava na lijekove i medicinska sredstva koja se finansiraju sredstvima federalnog fonda solidarnosti“, a u sadržaj programa dodaju se lijekovi za liječenje cistične fibroze.

Postupajući po svemu naprijed navedenom i po navedenim aktima Vlade Federacije BiH, Federalni zavod je pripremio Izmjene i dopune Finansijskog plana za 2023. godinu te uputio u daljnju proceduru na usvajanje.

Međutim, iz parlamentarne procedure 31.07.2023. godine povučen je Prijedlog Rebalansa Budžeta Federacije BiH za 2023. godinu, a slijedom toga i Izmjene i dopune Finansijskog plana Federalnog zavoda za 2023. godinu. U tom smislu je Upravni odbor Federalnog zavoda donio dana 03.08.2023. godine Odluku, br. 02/V-01-1-3462-1/23, o stavljanju van snage Odluke o usvajanju Izmjena i dopuna finansijskog plana Federalnog zavoda za 2023. godinu i izmjena i dopuna finansijskog plana rashoda federalnog fonda solidarnosti za 2023. godinu, kao i Odluku, br.02/V-01-1-3463-1/23, o stavljanju van snage Odluke o načinu izvršavanja Rebalansa Finansijskog plana Federalnog zavoda za 2023. godinu.

Rebalans Finansijskog plana Federalnog zavoda za 2023. godinu

Stručna služba Federalnog zavoda sačinila je prijedlog Izmjena i dopuna Finansijskog plana (Rebalans) za 2023. godinu koji je Upravni odbor Federalnog zavoda usvojio na sjednici održanoj 24.10.2023. godine donošenjem Odluke o usvajanju Izmjena i dopuna Finansijskog plana Federalnog zavoda (Rebalans) za 2023. godinu, br.02/IV-01-1-4427-1/23, i Odluke o načinu izvršavanja Rebalansa finansijskog plana Federalnog zavoda za 2023. godinu, br. 02/V-01-1-4428-1/23.

Rebalansom finansijskog plana za 2023. godinu ukupni prihodi su povećani za 19 mil. KM u odnosu na planirane za 2023. godinu, od čega su:

- prihodi od doprinosa iz obaveznog zdravstvenog osiguranja u Federaciji BiH povećani za 6 mil. KM a na osnovu podataka o ostvarenju ovih prihoda u periodu I-VIII 2023. godine i procjene njihovog ostvarenja do kraja 2023. godine,

- tekući transferi drugih nivoa vlasti (Budžet Federacije BiH) povećani za 13 mil. KM što je izvršeno na osnovu:

- a) Odluke Vlade Federacije BiH iz 2022. godine kojom se odobrava raspodjela sredstava za finansiranje usluga invazivne i interventne kardiologije i kardiohirurgije kod pacijenata kojima su pružene usluge iz ovog programa, a uslijed posljedica izazvanih pandemijom COVID-19, u iznosu od 1 mil. KM. Sredstva po navedenoj odluci su uplaćena u januaru 2023. godine i nisu bila planirana u Finansijskom planu za 2023. godinu, te su iz tog razloga rebalansom finansijskog plana uključena u prihode.

- b) Odluke Vlade Federacije BiH o izmjenama i dopunama Odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-za Zavod zdravstvenog osiguranja i reosiguranja Federacije BiH za 2023. godinu Federalnom ministarstvu zdravstva. Ovom odlukom su ukupna Budžetska sredstva za 2023. godinu povećana sa 33,5 mil. KM na 35 mil. KM. Povećanje od 2 mil. KM se odnosi na Program 2. „Obezbjedenje prava na lijekove i medicinska sredstva koja se finansiraju sredstvima federalnog fonda solidarnosti“, a u sadržaj programa dodaju se lijekovi za liječenje cistične fibroze u iznosu od 2 mil. KM te je donešena Odluka o dopunama odluke o listi lijekova fonda solidarnosti Federacije BiH u čijem Prilogu 2. „Posebni program“ su uvršteni lijekovi za liječenje oboljelih od cistične fibroze („Sl. Novine Federacije BiH, br.58/23), i

- c) Rebalansa Budžeta Federacije BiH za 2023. godinu kojim su odobrena dodatna sredstva u iznosu od 10 mil. KM na ime finansiranja programa fonda solidarnosti Federacije BiH.

Rebalansom finansijskog plana za 2023. godinu planirano je povećanje izdataka za materijal i usluge u ukupnom iznosu od 21 mil. KM, i to:

-povećanje izdataka za nabavku materijala i sitnog inventara (lijekovi) u iznosu od 15,9 mil. KM što se odnosi na povećanje izdataka za nabavku lijekova.

Tako se povećavaju rashodi za sljedeće lijekove (citostatici za 8 mil. KM, lijekovi za hemofiliju za 1,5 mil. KM, lijekovi za multiplu sklerozu za 1,2 mil KM, lijekovi za Chronovu bolest za 500.000 KM, lijekovi za HIV/AIDS za 700.000 KM, te se uvodi finansiranje lijekova za liječenje cistične fibroze u iznosu od 4 mil. KM), i

-povećanje izdataka za ugovorene i druge usluge u iznosu od 5,1 mil. KM, od čega se 2.100.000 KM odnosi na povećanje rashoda za kardiologiju i kardiohirurgiju u Federaciji BiH, a 3 mil. KM na povećanje rashoda za liječenje u zdravstvenim ustanovama u inostranstvu.

Uz Rebalans finansijskog plana za 2023. godinu, Upravni odbor je na sjednici održanoj 24.10.2023. godine, donio Odluku, br. 02/V-01-1-4429-1/23, kojom se odobravaju sredstva tekuće rezerve Federalnog zavoda za 2023. godinu u iznosu od 2 mil. KM. koja će se koristiti za finansiranje zdravstvenih usluga liječenja u zdravstvenim ustanovama u inostranstvu.

Naime, Finansijskim planom Federalnog zavoda za 2023. godinu planirana je tekuća rezerva u iznosu od 4 mil. KM, a na osnovu izvršenja rashoda za pacijente koji se upućuju na liječenje u inostranstvu su, za period I-VIII 2023. godine, evidentirana znatna prekoračenja, zbog čega se dio sredstava u iznosu od 2 mil. KM osigurao iz sredstava tekuće rezerve Federalnog zavoda.

Na Izmjene i dopune Finansijskog plana Federalnog zavoda za 2023. godinu, Parlament Federacije BiH dao je saglasnost („Sl.novine Federacije BiH“, br. 85/23 od 03.11.2023. godine).

Ostale pozicije rashoda su ostale na nivou planiranih po Finansijskom planu za 2023. godinu.

Odluka o preraspodjeli sredstava unutar pozicija rashoda Federalnog zavoda za 2023. godinu

Upravni odbor Federalnog zavoda je na sjednici održanoj 14.02.2024. godine donio:

-odluku, br. 02/IV-01-1-675/24, o preraspodjeli sredstava unutar pozicija rashoda utvrđenih u Finansijskom planu za 2023. godinu, u ukupnom iznosu od 7.134.000 KM. Izvršenom preraspodjelom ukupan iznos planiranih rashoda na navedenim pozicijama ostao je nepromijenjen u odnosu na sredstva planirana Finansijskim planom za 2023. godinu, i

-odluku, br. 02/IV-01-1-676-1/24, o preraspodjeli sredstava predviđenih u Aneksu I Finansijskog plana Federalnog zavoda za 2023. godinu unutar pozicija rashoda usluga i lijekova.

Naime, Odlukom o prestanku važenja odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-prevenција širenja i rano otkrivanje HIV virusa“ utvrđenih u Budžetu Federacije BiH za 2023. godinu („Sl. novine Federacije BiH, br. 101/23), sredstava utvrđena u razdjelu 20 Budžeta Federacije BiH za 2023. godinu („Sl. novine Federacije BiH, br. 24/23) za prevenciju širenja i rano otkrivanje HIV-a su prestala da važe.

Odlukom o izmjenama odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-transfer za biomedicinski potpomognutu oplodnju“ utvrđenih Budžetom Federacije BiH za 2023. godinu

(„Sl. novine Federacije BiH, br. 101/23), transfer za biomedicinski potpomognutu oplodnju utvrđen u razdjelu 20 Budžeta Federacije BiH za 2023. godinu („Sl. novine Federacije BiH, br. 24/23) u iznosu od 10.000.000 KM zamijenjen je sa iznosom od 2.000.000 KM.

Odlukom o izmjenama odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-Zavod zdravstvenog osiguranja i reosiguranja Federacije BiH“ utvrđenih Budžetom Federacije BiH za 2023. godinu („Sl. novine Federacije BiH, br. 101/23), sredstva za programe fonda solidarnosti su povećana sa 43.500.000 KM na 51.650.000 KM.

Na osnovu podataka o izvršenju rashoda lijekova i potrošnog medicinskog materijala, kao i izvršenju zdravstvenih usluga ugovorenih sa zdravstvenim ustanovama u Federaciji BiH i u inostranstvu u periodu I-XII 2023. godine kod pojedinih programa je evidentirano veće izvršenje u odnosu na planirana sredstva, dok je istovremeno kod pojedinih programa evidentirano manje izvršenje u odnosu na planirana sredstva. U skladu sa navedenim, unutar ekonomskih kodova izvršena je preraspodjela sredstava kako je predloženo u prehodno navedenim odlukama.

Za preraspodjelu rashoda koje se odnose na zdravstvene usluge sačinjena je izmjena i dopuna Programa zdravstvene zaštite za 2023. godinu u dijelu koji se odnosi na Plan obima zdravstvenih usluga za 2023. godinu.

Federalno ministarstvo zdravstva je, na prijedlog Federalnog zavoda zdravstvenog osiguranja je dalo saglasnost na Izmjene Programa zdravstvene zaštite koji se finansira sredstvima fonda solidarnosti Federacije BiH u dijelu koji se odnosi na Plan obima zdravstvenih usluga za 2023. godinu.

Odluka o korištenju sredstava tekuće rezerve za 2023. godinu

Odlukom Upravnog odbora br. 02/IV-01-1-678-1/24, o korištenju sredstava tekuće rezerve za 2023. godinu, sredstva tekuće rezerve su u cjelosti raspoređena za nabavku lijekova za liječenje malignih oboljenja (citostatici) u iznosu od 2 mil. KM.


2. Prihodi Federalnog zavoda osiguranja i reosiguranja

Ukupni prihodi Federalnog zavoda u 2023. godini ostvareni su u iznosu od 266.445.606 KM i veći su za 1% ili 2,6 mil. KM u odnosu na planirane, a u odnosu na ostvarene u 2022. godini veći su za 24% ili 51,5 mil. KM.

Prihodi su ostvareni iz slijedećih izvora:

- doprinosa za obavezno zdravstveno osiguranje osiguranih lica u Federaciji BiH;
- doprinosa za zdravstvenu zaštitu ino-osiguranika (paušali);
- dodatnog doprinosa za zdravstvenu zaštitu detaširanih radnika;
- sredstava iz Budžeta Federacije BiH;
- ostalih prihoda.

Struktura prihoda Zavoda zdravstvenog osiguranja i reosiguranja FBiH u 2023. godini daje se narednim dijagramom.



Pregled prihoda po izvorima sredstava ostvarenih u 2022. godini, planiranih i ostvarenih u 2023. godini dat je u Tabeli 1.

Tabela 1.

Konto	Stavka	Ostvareno 2022.	Plan 2023.	Ostvareno 2023.	Ind (5/3)	Ind (5/4)
1	2	3	4	5	6	7
712	Doprinos za socijalnu zaštitu	182.943.326	204.950.000	209.633.675	115	102
	Prihodi od doprinosa	182.943.326	204.950.000	209.633.675	115	102
	Prihodi od doprinosa za obavezno zdravstveno osiguranje u FBiH	177.314.654	200.000.000	203.802.658	115	102
	Prihodi od doprinosa od ino osiguranika (paušali)	4.929.486	4.000.000	5.020.509	102	126
	Prihodi od dodatnog doprinosa za detaširane radnike	699.186	950.000	810.508	116	85
721	Prihodi od poduzetničkih aktivnosti, imovine i pozitivnih kursnih razlika	580.441	100.000	859.072	148	859
722	Naknade i pristojbe i prihodi od pružanja javnih usluga (naplaćene garancije, ref.bolovanja i ostali nepl.prihodi)	500.141	50.000	959.933	192	1.920
731	Primljeni tekući transferi od međunarodnih organizacija	56.914	130.000	82.881	146	64
	Primljeni tekući transferi od ostalih nivoa vlasti-Budžet FBiH	30.781.939	58.650.000	56.650.000	184	97
	Tekući transfer za fond solidarnosti	28.500.000	53.650.000	51.650.000	181	96
	Tekući transfer za liječenje povratnika u RS	2.281.939	2.000.000	2.000.000	88	100
	Transfer za liječenje biomedicinski potpomognute oplodnje (BMPO)		2.000.000	2.000.000		100
	Ostali transferi iz Budžeta FBiH-Covid		1.000.000	1.000.000		100
	Donacije	403		22.254		
733	Ukupno prihodi	214.863.164	263.880.000	268.207.816	125	102
	Obavezne rezerve za zdravstvenu zaštitu detaširanih radnika		95.000	82.212		87

	Povrat poslodavcima za dodatni doprinos za det.radnike			271.471		
	Rezervisana sredstva za BMPO			1.408.527		
	Ukupno raspoloživi prihodi	214.863.164	263.785.000	266.445.606	124	101

U nastavku izvještaja data su kratka obrazloženja za prihode Federalnog zavoda ostvarene u periodu I-XII 2023. godine.

2.1. Prihodi od doprinosa

Prihode od doprinosa čine:

-) prihodi od doprinosa za obavezno zdravstveno osiguranje u Federaciji BiH,
-) prihodi od doprinosa od ino osiguranika (paušali),
-) prihodi od posebnog dodatnog doprinosa za zdravstveno osiguranje detaširanih radnika u inostranstvu.

U periodu I-XII 2023. godine ukupno ostvareni prihodi od doprinosa iznosili su 209.633.675 KM. Ovi prihodi sastoje se od:

- prihoda po osnovu doprinosa za obavezno zdravstveno osiguranje u Federaciji BiH, u iznosu od 203.802.658 KM,
- prihoda od doprinosa ino osiguranika (paušali), po međunarodnim konvencijama, u iznosu od 5.020.509 KM, i
- prihoda od dodatnog doprinosa za detaširane radnike u iznosu od 810.508 KM.

Ukupno ostvareni prihodi od doprinosa u 2023. godini veći su za 2% ili 4,6 mil. KM od planiranih, a u odnosu na ostvarene u 2022. godinu veći su za 15% ili 26,6 mil. KM.

Iako su Rebalansom Finansijskom plana za 2023. godinu prihodi od doprinosa za obavezno zdravstveno osiguranje u Federaciji BiH povećani za 6 mil. KM na osnovu podataka o ostvarenju ovih prihoda za period I-VIII 2023. godine i procjene njihovog ostvarenja do kraja 2023. godine, ovi prihodi su ipak za 3,8 mil. KM ili 1,9% više ostvareni u odnosu na planirane po Rebalansu finansijskog plana za 2023. godinu.

Prihodi od doprinosa ino-osiguranika (paušali) u 2023. godini ostvareni su u iznosu od 5.020.509 KM i veći su za 26% ili 1.020.509 KM u odnosu na planirane što je nastalo zbog uplata R Slovenije i R Hrvatske, R Italije i Kraljevine Holandije, izvršenih u decembru 2023. godine, po osnovu Konvencija o socijalnom osiguranju a što se nije moglo predvidjeti prilikom izrade Rebalansa finansijskog plana za 2023. godinu.

Prihodi od doprinosa za zdravstvenu zaštitu radnika na privremenom radu u inostranstvu (u daljem tekstu: detaširani radnici) u 2023. godini ostvareni su u iznosu od 810.508 KM i manji su za 15% ili 139.492 KM u odnosu na planirane, a u odnosu na ostvarene u 2022. godini veći su za 16% ili 111.322 KM.

2.2. Prihodi iz Budžeta Federacije BiH

Doznačena sredstva po osnovu transfera iz Budžeta Federacije BiH u 2023. godini su iznosila 56.650.000 KM, od čega:

-) za federalni fond solidarnosti 51.650.000 KM što je za 4% ili 2 mil. KM manje od planiranih za 2023. godinu,
-) za liječenje povratnika iz Federacije BiH u R Srpsku od 2.000.000 KM što je u visini planiranih za 2023. godinu,
-) za program biomedicinski potpomognute oplodnje (BMPO) u iznosu od 2 mil. KM što je u visini planiranih za 2023. godinu
-) ostali transferi iz Budžeta Federacije BiH-COVID u iznosu od 1.000.000 KM što je u visini planiranih za 2023. godinu.

U vezi ostvarenja prihoda iz Budžeta Federacije BiH za 2023. godinu, korisno je napomenuti da je Vlada Federacije BiH je u toku 2023. godine svojim odlukama o izmjenama i dopunama nekoliko puta mijenjala Program utroška transfera iz Budžeta Federacije BiH za Federalni zavod za 2023. godinu. Tako je u 2023. godini Vlada Federacije BiH donijela:

-Odluku o usvajanju Programa utroška transfera iz Budžet Federacije BiH za Federalni zavod za 2023. godinu (Sl. novine Federacije BiH, br.24/23). Ovom odlukom planirana su za 2023. godinu sredstva transfera iz Budžeta Federacije i to sredstva transfera za federalni fond solidarnosti u iznosu od 33,5 mil. KM, sredstva za Program povratnika u RS u iznosu od 2 mil. KM, sredstva za biomedicinski potpomognutu oplodnju u iznosu od 10 mil. KM, i tekući transfer –Prevenција širenja i rano otkrivanje HIV virusa u iznosu od 150.000 KM

-Odluku o izmjeni i dopuni Odluke o usvajanju Programa utroška transfera iz Budžet Federacije BiH za Federalni zavod za 2023. godinu (Sl. novine Federacije BiH, br.58/23) kojom se u Program uvode lijekovi za liječenje cistične fibroze u iznosu od 2 mil. KM, shodno čemu se sredstva transfera za federalni fond solidarnosti povećavaju za 2 mil. KM u dijelu lijekova, nakon čega sredstva transfera za federalni fond solidarnosti iznose ukupno 35,5 mil. KM. Vezano sa ovim, Vlada Federacije BiH je donijela Odluku o dopuni odluke o listi lijekova koji se finansiraju sredstvima fonda solidarnosti Federacije BiH (Sl.novine Federacije BiH, br.58-23) kojom se, u Prilogu 2. „Posebni program“ liste lijekova koji se finansiraju sredstvima fonda solidarnosti Federacije BiH , dodaju lijekovi za liječenje cistične fibroze,

-Odluku o izmjeni Odluke o usvajanju Programa utroška sredstava - tekući transfer za Federalni zavod za 2023. godinu (Sl. novine Federacije BiH, br.99/23), kojom se sredstva transfera za federalni fond solidarnosti povećavaju sa 35,5 mil. KM na 43,5 mil. KM. Skrećemo pažnju da je u navedenom povećanju sredstava za Fond solidarnosti u iznosu od 10 mil. KM koje je odobreno Rebalansom Budžeta FBiH za 2023. godinu uračunato i 2 mil. KM za lijekove za cističnu fibrozu koji su odobreni ranije, a na osnovu Odluke o izmjeni i dopuni Odluke o usvajanju Programa utroška transfera iz Budžet Federacije BiH za Federalni zavod za 2023. godinu (Sl. novine Federacije BiH, br.58/23).

-Odluku o prestanku važenja Odluke o usvajanju Programa utroška transfera sa kriterijima raspodjele sredstava „Tekući transfer drugim nivoima vlasti i fondovima – Prevenција širenja i rano otkrivanje HIV virusa“ (Sl. novine Federacije BiH, br. 101/23) utvrđenim Budžetom Federacije BiH za 2023. godinu Federalnom ministarstvu zdravstva,

-Odluku o izmjenama odluke o usvajanju programa utroška sredstava sa kriterijima raspodjele sredstava „Tekući transfer drugim nivoima vlasti i fondovima-Zavod zdravstvenog osiguranja i reosiguranja Federacije BiH“ utvrđenih Budžetom Federacije BiH za 2023. godinu („Sl. novine Federacije BiH, br. 101/23), kojom su sredstva za programe fonda solidarnosti povećana sa 43.500.000 KM na 51.650.000 KM,

-Odluku o izmjenama odluke o usvajanju programa utroška transfera – transfer za biomedicinski potpomognutu oplodnju koji se sa 10 mil. KM smanjuje na 2 mil. KM („Sl. novine Federacije BiH, br. 101/23). Razlog smanjenja ovog transfera je manje izvršenje troškova ovog programa koji je tek započet u 2023. godini, a iznos smanjenja od 8 mil. KM je iskorišten za povećanje transfera za programe fonda solidarnosti.

U vezi ostvarenja prihoda iz Budžeta Federacije BiH, međutim, potrebno je naglasiti da su ovi prihodi, koji se odnose na sredstva tekućih transfera, ostvareni u 2023. godini, kao i u svim prethodnim godinama, u znatno manjem iznosu od iznosa sredstava koja bi se po Zakonu o zdravstvenom osiguranju trebala izdvajati za federalni fond solidarnosti. Zakonom o zdravstvenom osiguranju propisana je obaveza da se iz Budžeta Federacije BiH za

federalni fond solidarnosti izdvajaju sredstva u visini sredstava koja se ostvaruju iz doprinosa za obavezno zdravstveno osiguranje. Saglasno ovoj zakonskoj odredbi, iz Budžeta Federacije BiH bi trebalo izdvojiti za federalni fond solidarnosti sredstva u iznosu od cca 177 miliona KM, dakle, u visini prihoda ostvarenih od doprinosa za obavezno zdravstveno osiguranje u Federaciji BiH.

2.3. Ostali prihodi

Ostali prihodi ostvareni su u ukupnom iznosu od 1.924.141 KM, i sastoje se od:

-prihoda od poduzetničkih aktivnosti, imovine i pozitivnih kursnih razlika, u iznosu od 859.072 KM, od čega se:

-) 790.040 KM odnosi na odobreni finansijski rabat od strane dobavljača-isporučioca lijekova,
-) 2.703 KM što se odnosi na prihod po osnovu rada čajne kuhinje u Federalnom zavodu,
-) 60.489 KM što se odnosi na odbijene zahtjeve po Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl.novine Federacije BiH“, br.31/02 i 20/19).
-) 5.840 KM po osnovu otpisa obaveza Zavoda zdravstvenog osiguranja i reosiguranja FBiH prema poslodavcima po osnovu detašmana, u skladu sa Odlukom o usvajanju Izvještaja o ostvarenju i utrošku sredstava po osnovu doprinosa za obavezno zdravstveno osiguranje zaposlenika na radu u inostranstvu u periodu 01.01.-31.12.2022. godine.

-naknada, pristojbi i prihoda od pružanja javnih usluga, u iznosu od 959.933 KM, od čega se:

-) 249.645 KM u skladu sa Odlukom o oprihodovanju sredstava uplaćenih za pružanje zdravstvenih usluga hemodijalize ino osiguranicima u korist federalnog fonda solidarnosti,
-) 644.415 KM odnosi na manjkove lijekova po popisu na dan 31.12.2023. godine za koje su terećene zdravstvene ustanove kod kojih su ustanovljeni manjkovi,
-) 4.297 KM uplaćene refundacije po osnovu bolovanja,
-) 24.664 KM odnosi na prihod od detašmana za Stručnu službu, te
-) 36.912 KM što je prihod ostvaren od Federalnog zavoda za zapošljavanje po osnovu projekta zapošljavanja u Federalnom zavodu zdravstvenog osiguranja,

-primljenih tekućih transfera od međunarodnih organizacija, u iznosu od 82.811 KM, što se odnosi na sredstva po osnovu učešća u međunarodnom projektu ADRION 1228- SI4CARE.


-prihoda od donacija u iznosu od 22.254 KM a odnose se na donacije lijekova od strane dobavljača-isporučioca lijekova.

3. Rashodi Federalnog zavoda osiguranja i reosiguranja

Ukupni rashodi Federalnog zavoda u 2023. godini iznosili su 266.353.702 KM i veći su za 1% ili 2,5 mil. KM u odnosu na planirane za 2023. godinu, a u odnosu na izvršene za 2022. godinu veći su za 16% ili 36 mil. KM.

Izvršenje finansijskog plana rashoda iskazano je po namjenama, prema ekonomskoj klasifikaciji propisanoj Kontnim planom za budžetske korisnike, a koji se primjenjuje i na vanbudžetske fondove.

Struktura rashoda Zavoda zdravstvenog osiguranja i reosiguranja FBiH u 2023. godini data je u Tabeli 2.



Rashodi Federalnog zavoda iskazani su zbirno u Tabeli 2 koja slijedi.

Tabela 2.

Konto	Stavka	Izvršenje 2022.	Plan 2023.	Izvršenje 2023.	Ind (5/3)	Ind (5/4)
1	2	3	4	5	6	7
	Plate naknade i troškovi zaposlenih	2.345.877	2.822.200	2.499.730	107	89
6111	Bruto plaće i naknade plate	2.051.952	2.450.000	2.166.378	106	88
6112	Naknade troškova zaposlenih	293.925	372.200	333.352	113	90
612	Doprinosi poslodavca i ostali doprinosi	216.435	255.000	232.076	107	91
	Izdaci za materijal i usluge	227.625.203	260.507.800	263.809.976	116	101
6131	Putni troškovi	38.624	51.000	50.078	130	98
6132	Izdaci za energiju	49.775	70.000	47.826	96	68
6133	Izdaci za komunikaciju i komunalne usluge	70.733	80.000	78.988	112	99
6134	Nabavka materijala i sitnog inventara	135.738.696	151.833.300	156.893.697	116	103
	Administrativni materijal	54.433	95.000	56.291	103	59
	Medicinski potrošni materijal	17.263.730	17.630.000	17.602.636	102	100
	Lijekovi	118.420.532	134.108.300	139.234.770	118	104
6135	Izdaci za usluge prijevoza i gorivo	9737	18.000	8.469	87	47
6136	Naknade za iznajmljivanje	2.738	10.000	3.686	135	37
6137	Izdaci za tekuće održavanje	42.921	111.000	23.703	55	21
6138	Izdaci osiguranja, bankarskih usluga i usluga platnog prometa	167.592	74.000	73.202	44	99
6139	Ugovorene i druge posebne usluge	91.504.388	108.260.500	106.630.326	117	98
	Zdravstvene usluge u Federaciji BiH	72.013.988	81.436.000	81.356.065	113	100
	Zdravstvene usluge liječenja povratnika	2.273.810	2.000.000	2.008.129	88	100
	Biomedicinski potpomognuta oplodnja	0	2.000.000	591.473		30
	Zdravstvene usluge liječenja u inostranstvu	15.695.388	21.030.000	21.027.454	134	100
	Zdravstvene usluge liječenja detaširanih radnika	699.186	826.500	766.709	110	93
	Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja	321.772	304.000	303.201	94	100
	Ostale usluge za stručnu službu i fond solidarnosti	500.245	664.000	577.295	115	87
	UKUPNO TEKUĆI RASHODI	230.187.515	263.585.000	266.541.782	116	101
	Kapitalni izdaci	66.997	200.000	121.803	182	61
	UKUPNO TEKUĆI RASHODI I KAPITALNI IZDACI	230.254.512	263.785.000	266.663.585	116	101
	Sredstva rezervi detašmana			309.883		
	UK.TEKUĆI RASHODI I KAP.IZDACI NAKON KORIŠTENJA REZERVI DETAŠMANA	230.254.512	263.785.000	266.353.702	116	101
	FINANSIJSKI REZULTAT			91.905		

U nastavku izvještaja daju se kratka obrazloženja za rashode Federalnog zavoda osiguranja i reosiguranja izvršene u periodu I-XII 2023. godine.

3.1. Plate, naknade i doprinosi poslodavca

3.1.1. Bruto plaće i naknade zaposlenih

Troškovi bruto plaća i naknada (neto plaća, porez na plaću, doprinosi iz plaće zaposlenog) u Stručnoj službi, u 2023. godini iznosili su ukupno 2.166.378 KM i manji su od planiranih za 12% ili 283.622 KM.

3.1.2. Naknade troškova zaposlenih

Naknade troškova zaposlenih u 2023. godini iznosile su ukupno 333.352 KM i manje su za 10% ili 38.848 KM od planiranih.

3.1.3. Doprinosi poslodavca i ostali doprinosi

Doprinosi poslodavca i ostali doprinosi u 2023. godini su iznosili 232.076 KM i manji su od planiranih za 9% ili 22.924 KM.

3.2. Izdaci za materijal i usluge

3.2.1. Putni troškovi, izdaci za energiju, izdaci za komunikaciju i komunalne usluge

Izdaci za putne troškove u 2023. godini iznosili su 50.078 KM i u visini su planiranih.

Izdaci za energiju u koje spadaju troškovi električne energije i grijanja, u 2023. godini iznosili su 47.826 KM i manji su za 22.174 KM ili 32% u odnosu na planirane.

Izdaci za komunikaciju i komunalne usluge se odnose na izdatke za vodu, odvoz smeća, održavanje čistoće, PTT usluge, izdatke za telefon, telefax, telex, internet i mobilni telefon. Ovi izdaci u 2023. godini iznosili su 78.988 KM i u visini su planiranih.

3.2.2. Nabavka materijala

Izdaci za nabavku materijala evidentirani na kontu 613400 obuhvataju izdatke za nabavku:

-) administrativnog materijala,
-) medicinskog materijala i
-) lijekova.

Troškovi nabavke administrativnog materijala u 2023. godini iznosili su 56.291 KM i manji su za 38.709 KM u odnosu na planirane. Ovi troškovi obuhvataju troškove kancelarijskog materijala, ostale troškove potrošnog materijala, vezane za rad Stručne službe.

Troškovi medicinskog materijala u 2023. godini iznosili su 17.602.636 KM i u visini su planiranih. Ovi troškovi obuhvataju troškove potrošnog dijaliznog materijala u iznosu od 17.114.107 KM i troškove aparata i trakica za kontrolu šećera u krvi kod djece i insulinske pumpe u iznosu od 488.529 KM. Ovi rashodi su iskazani u okviru rashoda federalnog fonda solidarnosti u dijelu koji se odnosi na lijekove i medicinska sredstva.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2023. godinu (Anex I).

Troškovi lijekova u 2023. godini iznosili su 139.234.770 KM i veći su za 4% ili 5,1 mil. KM u odnosu na planirane za 2023. godinu, a u odnosu na izvršene u 2022. godini veći su za 18% ili 20,8 mil. KM. Ovi troškovi obuhvataju sve lijekove iz programa federalnog fonda solidarnosti, a saglasno Programu zdravstvene zaštite koji se finansira sredstvima federalnog fonda solidarnosti.

Detaljnija obrazloženja data su u Izvještaju o izvršenju finansijskog plana federalnog fonda solidarnosti za 2023. godinu (Anex I).

3.2.3. Izdaci za usluge prijevoza i gorivo

Izdaci za usluge prijevoza i gorivo odnose se na izdatke za nabavku goriva za službene automobile. Ovi izdaci su u 2023. godini iznosili 8.469 KM i manji su za 53% ili 9.531 KM u odnosu na planirane, a u odnosu na izvršene za 2022. godinu manji su za 13% ili 1.268 KM.

3.2.4. Naknade za iznajmljivanje

Naknade za iznajmljivanje odnose se na naknade za iznajmljivanje printera koji se koriste u zgradi Federalnog zavoda zdravstvenog osiguranja i reosiguranja. Ovi izdaci u 2023. godini su iznosili 3.686 KM.

3.2.5. Tekuće održavanje

Izdaci za tekuće održavanje u 2023. godini iznosili su 23.703 KM i manji su za 87.297 KM u odnosu na planirane za 2023. godinu.

3.2.6. Osiguranje i bankarske usluge

Ukupni troškovi osiguranja i bankarskih usluga u 2023. godini su iznosili 73.202 KM i u visini su planiranih, a u odnosu na izvršene za 2022. godinu manji su za 56% ili 94.390 KM. Saglasno Odluci o kriterijima i načinu korištenja sredstava federalnog fonda solidarnosti, iznos od 39.091 KM raspoređen je na ostale rashode u funkciji provođenja programa federalnog fonda solidarnosti, s obzirom da se najveći dio platnog prometa preko banaka vrši sredstvima federalnog fonda solidarnosti.

Izdaci osiguranja i bankarske usluge u 2023. godini iznosili su 34.112 KM, od čega se na troškove bankarskih usluga odnosi 26.060 KM, a preostali iznos od 8.051 KM na troškove osiguranja zaposlenih i vozila.

3.2.7. Ugovorene i druge posebne usluge

Izdaci za ugovorene i druge posebne usluge u 2023. godini iznosili su ukupno 106.630.326 KM i manji su od planiranih za 2% ili 1,6 mil. KM, a u odnosu na izvršene u 2022. godini veći su za 17% ili 15,1 mil. KM. Ovi izdaci obuhvataju:

-) zdravstvene usluge u Federaciji BiH,
-) zdravstvene usluge liječenja povratnika u RS,
-) biomedicinski potpomognutu oplodnju,
-) zdravstvene usluge liječenja u inostranstvu,
-) zdravstvene usluge liječenja detaširanih radnika,
-) sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja,
-) ostale usluge vezane za Stručnu službu i fond solidarnosti.

Troškovi zdravstvenih usluga u 2023. godini iznosili su 83.364.194 KM i u visini su planiranih, a u odnosu na izvršene u 2022. godini veći su za 12% ili 9 mil. KM. Ovi troškovi odnose se na zdravstvene usluge pružene u zdravstvenim ustanovama u Federaciji BiH u iznosu od 81.356.065 KM, i na program bolničkog liječenja povratnika u RS u iznosu od 2.008.129 KM.

Troškovi zdravstvenih usluga liječenja u inostranstvu, u skladu sa Pravilnikom o uslovima i postupku upućivanja osiguranih lica na liječenje u inostranstvu, izvršeni su u 2023. godini u iznosu od 21.027.454 KM i u visini su planiranih, a u odnosu na izvršene u 2022. godini veći su za 34% ili 5,3 mil. KM.

Rashodi za zdravstvene usluge koje se finansiraju sredstvima federalnog fonda solidarnosti detaljno su obrazloženi u Izvještaju o izvršenju finansijskog plana federalnog fonda solidarnosti za 2023. godinu (Anex I).

Troškovi zdravstvene zaštite detaširanih radnika izvršeni su u 2023. godini u iznosu od 766.709 KM i manji su od planiranih za 7% ili 59.791 KM, a u odnosu na izvršene u 2022. godinu veći su za 10% ili 67.523 KM.

Upravni odbor Federalnog zavoda je na sjednici održanoj 14.02.2024. godine donio Odluku o korištenju sredstava rezervi detašmana za pokrivanje troškova detašmana u Kraljevini Belgiji u 2023. godini. Kako je navedeno u tč. I ove odluke, sredstva akumuliranih rezervi detašmana u iznosu od 309.882,74 KM koristit će se za pokrivanje troškova detašmana ispostavljenih u većem iznosu od ostvarenih prihoda u 2023. godini. Navedeni iznos se odnosi na razliku iznosa rashoda – troškova ispostavljenih od strane belgijskog nositelja zdravstvenog osiguranja u ukupnom iznosu od 329.752,74 KM i ukupno ostvarenih sredstava poslodavaca u iznosu od 19.870 KM.

Pravilnikom o načinu ostvarivanja prava iz obaveznog zdravstvenog osiguranja („Sl. novine Federacije BiH“, br.31/02 i 20/19) utvrđeni su uslovi pod kojim osigurana osoba može ostvariti pravo na sufinansiranje troškova pruženih zdravstvenih usluga, nabavke lijekova i medicinskih sredstava tokom kalendarske godine, a koje se ne finansira sredstvima zavoda zdravstvenog osiguranja. Po ovom osnovu je u 2023. godini izvršeno troškova u iznosu od 303.201 KM što je u visini planiranih, a u odnosu na izvršene u 2022. godini manji su za 6% ili 18.571 KM.

Detaljnija obrazloženja data su u Izvještaju o izvršenju Finansijskog plana federalnog fonda solidarnosti za 2023. godinu (Anex I).

Izdaci za ostale usluge za stručnu službu i fond solidarnosti u 2023. godini iznosili su ukupno 577.295 KM i manji su od planiranih za 13% ili 86.705 KM, a u odnosu na izvršene u 2022. godini veći su za 15% ili 77.050 KM.

Izdaci za ostale usluge vezane za rad Stručne službe u 2023. godini iznosili su 334.293 KM i odnose se na:

-) naknade članovima Upravnog odbora 137.046 KM,
-) usluge učešća u međunarodnom projektu 64.904 KM,
-) ugovore o privremenim i povremenim poslovima 38.787 KM,
-) ostale rashode 38.536 KM,
-) usluge obezbjeđenja i zaštite poslovne zgrade Federalnog zavoda osiguranja i reosiguranja 23.575 KM,
-) troškove reprezentacije 20.825 KM, i
-) sistematski pregled zaposlenih 10.621 KM.

Naknade Upravnog odbora su isplaćivane saglasno Odluci Vlade Federacije BiH, o visini naknade za rad predsjednika i članova upravnih i nadzornih odbora zdravstvenih ustanova u vlasništvu Federacije BiH, odnosno jednog ili više kantona i Federacije BiH, zajedno. Navedenom odlukom visina naknada za predsjednika i članove upravnog odbora je limitirana na iznos od prosječne plaće Federacije BiH za predsjednika i 80% od prosječne plaće Federacije BiH za članove upravnog odbora, a isplata se vrši samo za one mjesece u kojima predsjednik i članovi Upravnog odbora učestvuju u radu Upravnog odbora.

Zavod zdravstvenog osiguranja i reosiguranja Federacije BiH je učestvovao kao projektni partner iz BiH u projektima iz trećeg poziva (3CfP) u okviru programa ADRION 2014-2020. Sporazum o partnerstvu potpisan je u svrhu implementacije projekta ADRION 1228-SI4CARE, kojeg finansira Program Interreg Adrion. Dokumentom „Application Form“ definisan je način stvaranja obaveza, pravdanja i izvještavanja o utrošenim sredstvima.

Kontrolu nad utrošenim sredstvima za izvještajni period od 1.1.- 31.05.2023. godine izvršio je državni kontrolor Ministarstva finansija i trezora Bosne i Hercegovine, koji je izdao i certifikat o odobrenju.

Izdaci za ostale usluge vezane za fond solidarnosti odnose se na ostale troškove u funkciji provođenja programa federalnog fonda solidarnosti, saglasno Odluci o kriterijima i načinu korištenja sredstava federalnog fonda solidarnosti Federacije BiH („Sl.novine Federacije BiH“, br. 26/23). Ovi izdaci u 2022. godini su iznosili 243.002 KM i odnose se na izdatke stručnih komisija za provođenje programa fonda solidarnosti u iznosu od 236.424 KM, i na izdatke za objavu tendera za javne nabavke u iznosu od 6.578 KM.

3.2.8. Kapitalni izdaci

U skladu sa Planom javnih nabavki i Rebalansom finansijskog plana za 2023. godinu planirani su kapitalni izdaci, u iznosu od 200.000 KM. Ovi izdaci su u 2023. godini izvršeni u iznosu od 121.803 KM što je 78.917 KM manje od planiranih, a u odnosu na izvršene u 2022. godini veći su za 54.806 KM. Kapitalni izdaci u 2023. godini odnose se na 56.826 KM za informatičku opremu i 66.997 KM za nabavku softvera.

3.2.9. Tekuća rezerva

Finansijskim planom za 2023. godinu planirana je tekuća rezerva u ukupnom iznosu od 2.000.000 KM. Ista je formirana na teret doprinosa za obavezno zdravstveno osiguranje u Federaciji BiH, a njeno trošenje je definisano u skladu sa Odlukom o načinu izvršavanja Finansijskog plana za 2023. godinu.

Odlukom Upravnog odbora Federalnog zavoda o korištenju sredstava tekuće rezerve rashoda za 2023. godinu, br.02/IV-01-1-678-1/24 od 14.02.2024. godine, iznos tekuće rezerve planiran Finansijskim planom za 2023. godinu u ukupnom iznosu od 2 mil. KM raspodijeljen je u cjelosti za nabavku lijekova za liječenje malignih oboljenja (citostatici).

4. Finansijski rezultat

Zavod zdravstvenog osiguranja i reosiguranja Federacije BiH je u 2023. godini iskazao višak prihoda nad rashodima nad u iznosu od 91.904 KM.

5. Broj i struktura zaposlenih

Ukupan broj zaposlenih u Federalnom zavodu, zaključno sa 31.12.2023. godine, bio je 53.

U narednoj tabeli dat je pregled zaposlenih prema kvalifikacionoj strukturi.

Stručna sprema	Broj zaposlenih na dan 31.12.2022. g.	Broj zaposlenih na dan 31.12.2023.g.
VSS	29	30
VŠS	3	3
SSS	14	17
VKV	1	
KV	3	3
Ukupno	50	53

6. Zaključak

Ukupni raspoloživi prihodi Federalnog zavoda u 2023. godini iznosili su 266.445.606 KM i veći su za 1% ili 2,6 mil. KM u odnosu na planirane za 2023. godinu, a u odnosu na ostvarene u 2022. godini veći su za 24% ili 51,5 mil. KM.

Struktura prihoda Federalnog zavoda ostvarenih u 2023. godini je slijedeća:

- Prihodi od doprinosa za obavezno zdravstveno osiguranje u Federaciji BiH ostvareni su u iznosu od 203.802.658 KM** i veći su za 2% ili 3,8 mil. KM u odnosu na planirane za 2023. godinu, a u odnosu na ostvarene u 2022. godini veći su za 15% ili 26,4 mil. KM. Prihodi od doprinosa za obavezno zdravstveno osiguranje u Federaciji BiH ostvareni u 2023. godini čine 76% ukupnih prihoda
- Prihodi iz Budžeta Federacije BiH** koji se odnose na redovna sredstva transfera su drugi najznačajniji izvor prihoda. Ovi prihodi su ostvareni u iznosu od **56.650.000 KM** i značajno su veći i to za 84% ili 25,8 mil. KM u odnosu na ostvarene u 2022. godini. U vezi ovih prihoda, potrebno je navesti da je Vlada Federacije BiH nekoliko puta, u toku 2023. godine, donosila odluke o izmjenama i dopunama odluke o programu utroška transfera iz Budžeta Federacije BiH za Federalni zavod za 2023. godinu kojima se povećavao iznos tekućeg transfera za fond solidarnosti za 2023. godinu. Tako je u prvom Programu utroška transfera iz Budžeta Federacije BiH za Federalni zavod za 2023. godinu (koji je, kasnije, Odlukom Vlade Federacije BiH prestao da važi) tekući transfer za federalni fond solidarnosti iznosio 33,5 mil. KM, i koji je, na kraju, nakon nekoliko povećanja, iznosio 51.650.000 KM što predstavlja značajno povećanje od 18.150.000 KM. Prihodi iz Budžeta Federacije BiH ostvareni u 2023. godini čine 21,12% ukupnih prihoda
- Prihodi od doprinosa od ino osiguranika (paušali) ostvareni su u iznosu od 5.020.509 KM** i veći su za 26% ili 1.020.509 KM u odnosu na planirane za 2023. godinu zbog uplata R Slovenije i R Hrvatske, R Italije i Kraljevine Holandije, izvršenih u decembru 2023. godine, po osnovu Konvencija o socijalnom osiguranju a što se nije moglo predvidjeti prilikom izrade Rebalansa finansijskog plana za 2023. godinu. Ovi prihodi ostvareni u 2023. godini čine 1,87% ukupnih prihoda
- Prihodi od dodatnog doprinosa za detaširane radnike ostvareni su u iznosu od 810.508 KM** i čine 0,33% ukupnih prihoda
- Ostali prihodi ostvareni su u iznosu od 1.924.141 KM i čine 0,73% ukupnih prihoda

6. Ukupni rashodi Federalnog zavoda u 2023. godini iznosili su 266.353.702 KM i veći su od planiranih za 1% ili 2,5 mil. KM, a u odnosu na izvršene u 2022. godini veći su za 16% ili 36 mil. KM. Struktura rashoda Federalnog zavoda izvršenih u 2023. godini je slijedeća:

- Rashodi federalnog fonda solidarnosti izvršeni u 2023. godini čine 97,21% ukupnih rashoda Federalnog zavoda, i sastoje se od:

 - troškova lijekova u iznosu od 139.234.770 KM** koji ujedno čine 52,21% ukupnih rashoda Federalnog zavoda. Ovi troškovi su veći za 4% ili 5,1 mil. KM u odnosu na planirane za 2023. godinu, a u odnosu na izvršene za 2022. godinu veći su za 18% ili 20,8 mil. KM,
 - rashoda za zdravstvene usluge u Federaciji BiH u iznosu od 81.356.065 KM** koji čine 30,51% ukupnih rashoda Federalnog zavoda. Ovi rashodi su u visini

planiranih za 2023. godinu, a u odnosu na izvršene za 2022. godinu veći su za 13% ili 9,3 mil. KM,

-troškovi medicinskog materijala su iznosili 17.602.636 KM i čine 6,6% ukupnih rashoda Federalnog zavoda. Ovi troškovi su izvršeni u visini planiranih za 2023. godinu, a u odnosu na izvršene za 2022. godinu veći su za 2% ili 338.906 KM,

-troškovi liječenja u inostranstvu su iznosili 21.027.454 KM i čine 7,89% ukupnih rashoda Federalnog zavoda. Ovi troškovi su u visini planiranih za 2023. godinu, a u odnosu na izvršene za 2022. godinu veći su za 34% ili 5,3 mil. KM,

) **rashodi za Program povratnika u RS u iznosu od 2.008.129 KM** i čine 0,75% ukupnih rashoda Federalnog zavoda

) **Rashodi detaširanih radnika iskazani su u iznosu od 766.709 KM** i čine 0,29% ukupnih rashoda Federalnog zavoda. Ovi rashodi su za 7% ili 59.791 KM manji od planiranih za 2023. godinu, a u odnosu na izvršene za 2022. godinu veći su za 10% ili 67.523 KM,

) Sufinansiranje troškova u skladu sa Pravilnikom o načinu ostvarivanja prava iz obaveznog zdravstvenog osiguranja iskazano je u iznosu od 303.201 KM i čine 0,11% ukupnih rashoda Federalnog zavoda. Ovi troškovi su izvršeni u visini planiranih za 2023. godinu, a u odnosu na izvršene za 2022. godinu manji su za 6% ili 18.571 KM,

) Rashodi Stručne službe i ostali rashodi federalnog fonda solidarnosti izvršeni su u iznosu od 3.773.147 KM i čine 1,41% ukupnih rashoda Federalnog zavoda.

Federalni zavod osiguranja i reosiguranja je po Godišnjem obračunu za 2023. godinu iskazao višak prihoda nad rashodima u iznosu od 91.905 KM.



BOSNA I HERCEGOVINA / FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA I REOSIGURANJA FEDERACIJE BOSNE I HERCEGOVINE
BOSNIA AND HERZEGOVINA / FEDERATION OF BOSNIA AND HERZEGOVINA
FBIH INSTITUTE FOR HEALTH INSURANCE AND REINSURANCE

**ZAVOD ZDRAVSTVENOG OSIGURANJA I REOSIGURANJA
FEDERACIJE BOSNE I HERCEGOVINE**

Anex I

**IZVJEŠTAJ O IZVRŠENJU FINANSIJSKOG PLANA RASHODA
PLANA FEDERALNOG FONDA SOLIDARNOSTI ZA 2023. GODINU**

Sarajevo, februar 2024. godine

1. Uvod.....	1
2. Aktivnosti Federalnog zavoda osiguranja i reosiguranja u 2023. godini.....	1
2.1. Aktivnosti Stručne službe u 2023. godini vezane za federalni fond solidarnosti.....	1
2.2. Rad stručnih komisija u funkciji provođenja Programa zdravstvene zaštite koji se finansira sredstvima federalnog fonda solidarnosti u 2023. godini.....	2
3. Rashodi federalnog fonda solidarnosti.....	3
4. Zdravstvene usluge u zdravstvenim ustanovama u FBiH	5
4.1. Usluge hronične i akutne hemodijalize.....	7
4.2. Prevoz na hemodijalizu	8
4.3. Usluge radioterapije kod malignih oboljenja.....	8
4.4. Usluge dijagnostičkih pretraga na hepatitis C i težih oblika hepatitisa B	8
4.5. Ugradnja kohlearnog implantata kod djece	9
4.6. Usluge dobrovoljnog, anonimnog i besplatnog savjetovanja i testiranja na HIV/AIDS	9
4.7. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	9
4.8. Usluge iz oblasti kardiologije i kardiohirurgije u Federaciji BiH	10
4.9. Usluge iz oblasti neurohirurgije u Federaciji BiH.....	10
4.10. Usluge iz oblasti ortopedije i traumatologije	11
4.11. Usluge iz oblasti torakohirurgije.....	11
4.12. Usluge iz oblasti transplantologije	11
4.13. Visokodozna terapija radioaktivnim jodom J-132	12
4.14. Usluge PET/CT	12
4.15. Usluge iz oblasti vaskularne hirurgije i invazivno-interventnih procedura na krvnim sudovima	12
4.16. Najsloženiji oblici zdravstvene zaštite iz oblasti urologije.....	12
4.17. Terapija hiperbaričnom komorom	12
5. Lijekovi i potrošni medicinski materijal	13
5.1. Citostatici.....	15
5.2. Lijekovi za dijalizu	16
5.3. Potrošni materijal za dijalizu	16
5.4. Lijekovi za liječenje oboljelih od hemofilije.....	16
5.5. Humani imunoglobulini	16
5.6. Lijekovi za hepatitis B i C	16
5.7. Lijekovi za liječenje multiple skleroze.....	16
5.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa).....	17
5.9. Lijekovi za liječenje plućne hipertenzije	17
5.10. Lijekovi za liječenje tuberkuloze.....	17
5.11. Antiretrovirusni lijekovi za liječenje oboljelih HIV/AIDS	17
5.12. Lijekovi za profilaksu respiratornog sincicijalnog virusa	17
5.13. Nabavka aparata i traka za kontrolu šećera u krvi kod djece	17

5.14. Imunosupresivni lijekovi.....	17
5.15. Lijekovi za liječenje cistične fibroze	18
6. Bolničko liječenje povratnika iz Federacije BiH u općine u R Srpskoj	18
7. Program liječenja u inostranstvu.....	18
8. Ostali rashodi u funkciji provođenja programa federalne solidarnosti.....	19
9. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja.....	19
10. PRILOZI	20

1. Uvod

U skladu sa odredbama Zakona o budžetima u Federaciji BiH ("Službene novine Federacije BiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22), odredbama Zakona o izvršavanju Budžeta Federacije BiH za 2023. godinu („Službene novine Federacije BiH“, 06/23), odredbama Pravilnika o finansijskom izvještavanju i godišnjem obračunu Budžeta u Federaciji BiH ("Službene novine Federacije BiH", broj: 69/14, 14/15, 4/16, 19/18 i 3/21), odredbama člana 100 i člana 104 Zakona o zdravstvenom osiguranju ("Službene novine Federacije BiH", br. 30/97, 07/02, 70/08, 48/11 i 61/22), Odluci o utvrđivanju Osnovnog paketa zdravstvenih prava ("Službene novine Federacije BiH", br. 21/09) i Odluci o kriterijima i načinu korištenja sredstava Fonda solidarnosti Federacije BiH ("Službene novine Federacije BiH", br. 26/23), Zavod zdravstvenog osiguranja i reosiguranja Federacije Bosne i Hercegovine (u daljem tekstu: Federalni zavod osiguranja i reosiguranja) je sačinio Izvještaj o izvršenju Finansijskog plana rashoda Fonda solidarnosti Federacije BiH, za 2023. godinu.

U Izvještaju o izvršenju rashoda Fonda solidarnosti Federacije BiH za 2023. godinu (u daljem tekstu: federalni fond solidarnosti), prezentirani su podaci i pokazatelji o poslovanju federalnog fonda solidarnosti kao i informacije o aktivnostima koje su provedene u toku 2023. godine, a koje se odnose na realizaciju programa federalnog fonda solidarnosti.

Prezentiranim podacima i informacijama obezbjeđuje se potpun uvid u cjelokupno poslovanje federalnog fonda solidarnosti kako po pitanju prikupljenih sredstava, tako i potrošnje koja se iskazuje visinom troškova za lijekove i zdravstvene usluge, te po zdravstvenim ustanovama koje provode programe i kantonima kojima pripadaju liječeni pacijenti - osigurana lica.

2. Aktivnosti Federalnog zavoda osiguranja i reosiguranja u 2023. godini

2.1. Aktivnosti Stručne službe u 2023. godini vezane za federalni fond solidarnosti

U cilju obezbjeđivanja uvjeta za nesmetano funkcionisanje i poslovanje federalnog fonda solidarnosti u 2023. godini, Stručna služba je provela sve potrebne pripremne radnje i aktivnosti, a kao najznačajnije ističu se slijedeće:

-)] Donošenje Programa zdravstvene zaštite sa Planom obima zdravstvenih usluga koji se finansira sredstvima federalnog fonda solidarnosti za 2023. godinu;
-)] Donošenje Finansijskog plana federalnog fonda solidarnosti za 2023. godinu;
-)] Donošenje Rebalansa finansijskog plana za 2023. godinu;
-)] Rad stručnih i ostalih komisija u funkciji provođenja Programa zdravstvene zaštite federalnog fonda solidarnosti u 2023. godini;
-)] Praćenje primjene stručno-medicinskih uputstava za korištenje lijekova i pružanje zdravstvenih usluga koje se finansiraju sredstvima federalnog fonda solidarnosti;
-)] Aktivnosti Upravnog odbora i Stručne službe Federalnog zavoda osiguranja i reosiguranja provedene u cilju realizacije Programa zdravstvene zaštite koji se finansira sredstvima federalnog fonda solidarnosti, za 2023. godinu;
-)] Praćenje izvršenja planiranog i ugovorenog obima zdravstvenih usluga i programa koji se finansiraju sredstvima federalnog fonda solidarnosti u 2023. godini,

- J Utvrđivanje cijena zdravstvenih usluga koje se finansiraju sredstvima federalnog fonda solidarnosti;
- J Učešće u provođenju postupaka javnih nabavki i nabavka lijekova i potrošnih medicinskih materijala;
- J Praćenje ostvarenja prihoda od doprinosa iz obaveznog zdravstvenog osiguranja.

2.2. Rad stručnih komisija u funkciji provođenja Programa zdravstvene zaštite koji se finansira sredstvima federalnog fonda solidarnosti u 2023. godini

Prava osiguranih lica na zdravstvene usluge, lijekove i programe koji se finansiraju sredstvima federalnog fonda solidarnosti definisana su Programom zdravstvene zaštite za 2023. godinu. Za ostvarivanje prava utvrđenih Programom zdravstvene zaštite, saglasnosti za upućivanje na liječenje na teret sredstava federalnog fonda solidarnosti izdaju nadležne stručne komisije imenovane od strane Federalnog ministarstva zdravstva i Federalnog zavoda osiguranja i reosiguranja.

Za pružanje zdravstvenih usluga i korištenje lijekova na teret sredstava federalnog fonda solidarnosti u 2023. godini, saglasnost su izdavale slijedeće komisije:

- J Komisije za liječenje osiguranih lica Federacije BiH imenovane pri kantonalnim zavodima zdravstvenog osiguranja;
- J Komisija za liječenje oboljelih od hepatitisa C, hepatitisa B i Chronove bolesti;
- J Komisija za liječenje oboljelih od multipla skleroze;
- J Komisija za liječenje imunosupresivima;
- J Komisije za liječenje citostaticima sa posebnim režimom propisivanja;
- J Komisija za liječenje oboljelih od melanoma;
- J Komisija za ugradnju kohlearnog implantata kod djece;
- J Komisija za upućivanje na liječenje u inostranstvo;
- J Komisija za liječenje oboljelih od HIV/AIDS-a;
- J Komisija za liječenje oboljelih od hemofilije;
- J Komisija za izdavanje saglasnosti za pružanje usluga elektrofiziološko ispitivanje srca i elektrofiziološko ispitivanje srca sa radiofrekventnom ablacijom;
- J Komisija za biomedicinski potpomognutu oplodnju i
- J Komisija za cističnu fibrozu;


Izdavanje saglasnosti za ostvarivanje prava na usluge i lijekove iz programa federalnog fonda solidarnosti vrši se u skladu sa uputstvima donesenim od strane Federalnog ministarstva zdravstva i Federalnog zavoda osiguranja i reosiguranja.

3. Rashodi federalnog fonda solidarnosti


Ukupni rashodi federalnog fonda solidarnosti u 2023. godini iznosili su 262.405.820 KM bili su veći za 1% ili 3.593.520 KM od planiranih.

Struktura rashoda fonda solidarnosti je bila:

-) rashodi zdravstvenih usluga pruženih u zdravstvenim ustanovama u Federaciji BiH 81.356.064 KM,
-) rashodi lijekova i medicinskih sredstava 156.837.406 KM,
-) rashodi liječenja povratnika iz FBiH u RS 2.008.129 KM,
-) rashodi biomedicinski potpomognute oplodnje 591.473 KM,
-) rashodi za liječenje u zdravstvenim ustanovama u inostranstvu 21.027.454 KM;
-) sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja 303.201 KM;
-) ostali rashodi u funkciji provođenja programa federalnog fonda solidarnosti 282.093 KM.



Rashodi programa fonda solidarnosti u 2023. godini posmatrano po kantonima



Rashodi fonda solidarnosti po programima u 2023. godini

R. br.	RASHODI	Izvršenje 2022.	Plan 2023.	Izvršenje 2023.	Ind (5/3)	Ind (5/4)
1	2	3	4	5	6	7
1	ZDRAVSTVENE USLUGE	72.013.988	81.436.000	81.356.064	113	100
1.1.	Hronična, akutna hemodijaliza i peritonealna dijaliza	5.998.491	6.415.000	6.412.683	107	100
1.2.	Prijevoz na hemodijalizu	1.845.056	2.510.000	2.505.279	136	100
1.3.	Radioterapija kod malignih oboljenja	7.459.541	7.425.000	7.419.863	99	100
1.4.	Dijagnostičke pretrage za dijagnosticiranje hepatitisa B i C	108.260	120.000	117.119	108	98
1.5.	Ugradnja kohlearnog implantata kod djece	376.967	250.000	247.237	66	99
1.6.	Humana reprodukcija lica sa invaliditetom	9.000				
1.7.	Usluge dobrovoljnog, anonimnog i besplatnog savjetovanja i testiranja na HIV/AIDS	122.170	151.000	150.322	123	100
1.8.	Program novorođenačkog skrininga na kongenitalni hipotireoidizam, fenilketonuriju i adrenalnu hiperplasiu	204.938	210.000	205.311	100	98
1.9.	Kardiologija i kardiohirurgija u FBiH	41.993.906	49.115.000	49.073.974	117	100
1.10.	Neurohirurgija u FBiH	4.897.001	5.660.000	5.658.764	116	100
1.11.	Ortopedija i traumatologija	681.631	700.000	696.739	102	100
1.12.	Torakohirurgija	687.294	680.000	678.542	99	100
1.13.	Transplantacija (priprema za transplantaciju sa transplantacijom jetre, bubrega, koštane srži, rožnice)	2.271.469	2.470.000	2.466.417	109	100
1.14.	Nuklearna medicina - visokodozna terapija karcinoma štitnjače radioaktivnim jodom J-132	264.183	307.000	305.834	116	100
1.15.	Usluge PET/CT za djecu do navršениh 18 godina starosti	14.811	20.000	16.675	113	83
1.16.	Vaskularna hirurgija	4.844.007	5.125.000	5.124.150	106	100
1.17.	Najsloženiji oblici zdravstvene zaštite iz oblasti urologije (implantacija vještačkog sfinktera uretre i cistektomija sa supavezikalnom derivacijom)	165.300	228.000	227.681	138	100
1.18.	Terapija hiperbaričnom komorom	69.964	50.000	49.476	71	99
2.	LIJEKOVI I POTROŠNI MEDICINSKI MATERIJAL	135.684.263	151.738.300	156.837.406	116	103
2.1.	Citostatici	82.647.538	92.715.300	99.568.395	120	107
2.2.	Lijekovi za dijalizu	5.404.633	5.300.000	5.291.705	98	100
2.3.	Potrošni materijal hronične, akutne i peritonealne dijalize	16.718.617	17.135.000	17.114.107	102	100
2.4.	Lijekovi za liječenje oboljelih od hemofilije	7.928.056	10.240.000	10.481.477	132	102
2.5.	Humani imunoglobulin	722.982	1.250.000	1.253.499	173	100
2.6.	Lijekovi za liječenje oboljelih od hepatitisa B i C	3.664.857	2.580.000	2.576.138	70	100
2.7.	Lijekovi za liječenje Multiple skleroze	8.155.247	8.840.000	8.846.980	108	100
2.8.	Lijekovi za liječenje upalnih bolesti debelog crijeva (Chronove bolesti i ulceroznog kolitisa)	4.795.486	5.600.000	5.599.455	117	100
2.9.	Lijekovi za liječenje plućne hipertenzije	163.692	169.000	167.704	102	99


2.10.	Lijekovi za liječenje tuberkuloze	96.762	89.000	87.630	91	98
2.11.	Antiretrovirusni lijekovi za liječenje oboljelih od HIV/AIDS	1.868.548	2.050.000	2.050.818	110	100
2.12.	Program profilakse respiratornog sincicijalnog virusa (RSV) ugroženih grupa djece palivizumabom u F BiH	944.152	890.000	901.727	96	101
2.13.	Nabavka traka i aparata za kontrolu dijabetesa	545.113	495.000	488.529	90	99
2.14.	Imunosupresivni lijekovi nakon transplantacije organa	2.028.579	2.015.000	2.039.402	101	101
2.15.	Lijekovi za liječenje cistične fibroze		2.370.000	369.841		16
3.	RASHODI NA TERET NAMJENSKIH TRANSFERA IZ BUDŽETA FBiH	2.273.810	4.000.000	2.599.602	114	65
3.1.	Bolničko liječenje povratnika iz FBiH u općine u RS	2.273.810	2.000.000	2.008.129	88	100
3.2.	Biomedicinski potpomognuta oplodnja		2.000.000	591.473		30
4.	LIJEČENJE U INOSTRANSTVU	15.695.388	21.030.000	21.027.454	134	100
5.	OSTALI RASHODI U FUNKCIJI PROVOĐENJA PROGRAMA SOLIDARNOSTI	316.047	304.000	282.093	89	93
6.	SUFINANSIRANJE TROŠKOVA LIJEČENJA U SKLADU SA PRAVILNIKOM O NAČINU OSTVARIVANJA PRAVA IZ OBAVEZNOG ZDRAVSTVENOG OSIGURANJA	321.772	304.000	303.201	94	100
7.	RASHODI ZA IZVRŠENJE PROGRAMA FEDERALNE SOLIDARNOSTI (1+2+3+4+5+6)	226.305.267	258.812.300	262.405.820	116	101

4. Zdravstvene usluge u zdravstvenim ustanovama u FBiH


Zavod zdravstvenog osiguranja i reosiguranja u 2023. godini zaključio je ugovore sa 14 zdravstvenih ustanova i to sa 9 javnih i 5 privatnih zdravstvenih ustanova.

Ugovori za finansiranje usluga iz programa fonda solidarnosti su zaključeni sa: UKC Sarajevo, SKB Mostar, UKC Tuzla, KB Zenica, KB Bihać, Zavod za javno zdravstvo Orašje, KB „Dr Safet Mujić“ Mostar, Zavod za transfuzijsku medicinu FBiH, OB „Abdulah Nakaš“ Sarajevo, SB „Medical Institute Bayer“ Tuzla, Centar za srce KM Sarajevo, PZU Poliklinika Vitalis Mostar, Specijalna bolnica Dr Solaković i Plava poliklinika Tuzla.


Rashodi za zdravstvene usluge koje su pružene u zdravstvenim ustanovama u Federaciji BiH sa kojima su zaključeni ugovori u 2023. godini su iznosili 81.356.064 KM.



U strukturi rashoda zdravstvenih usluga najveće učešće u 2023. godini je zabilježio program kardiologije i kardiohirurgije i to 60,32% dok se na ostale programe odnosi 39,68% što je prikazano u grafikonu u nastavku.



Struktura rashoda zdravstvenih usluga fonda solidarnosti posmatrano po kantonima u 2023. godini



4.1. Usluge hronične i akutne hemodijalize

Usluge dijalize podrazumijevaju troškove rada medicinskog tima u pružanju usluga dijalize i troškove toplog obroka. Za troškove rada medicinskog tima utvrđene su cijene po jednoj dijalizi na osnovu važećih standarda i normativa zdravstvene zaštite u iznosu od 35 KM po jednoj dijalizi. Troškovi toplog obroka za bolesnike tokom dijaliznog tretmana utvrđeni su u iznosu od 7 KM po jednoj dijalizi.

Izvršene usluge dijalize plaćaju se na osnovu izvršenog obima usluga dijalize, a prema utvrđenim cijenama po jednoj dijalizi, za koje zdravstvene ustanove - dijalizni centri ispostavljaju mjesečne fakture.

Usluge hemodijalize pružale su se u 15 dijaliznih centara organizovanih u zdravstvenim ustanovama na području Federacije BiH sa kojima je Federalni zavod osiguranja i reosiguranja zaključio ugovore o provođenju navedenog programa.

Usluge hemodijalize su pružane u sljedećim dijaliznim centrima:

-) Sveučilišna klinička bolnica Mostar
-) Kantonalna bolnica Zenica
-) Kantonalna bolnica „Dr. Irfan Ljubijankić“ Bihać
-) UKC Tuzla
-) Klinički centar Univerziteta Sarajevo
-) Županijska bolnica Orašje
-) Kantonalna bolnica Travnik
-) Opća bolnica Tešanj
-) Opća bolnica "Dr.Mustafa Beganović" Gračanica
-) Dom zdravlja Živinice
-) Opća bolnica Konjic
-) Županijska bolnica "Fra Mihovil Sučić" Livno
-) Dom zdravlja Bugojno
-) Dom zdravlja Cazin
-) JZU Kantonalna bolnica Goražde

Ukupni rashodi usluga hronične i akutne dijalize u 2023. godini iznosili su 6.412.683 KM. Izvršeno je ukupno 154.156 usluga hronične hemodijalize. Na hroničnoj dijalizi u prosjeku je mjesečno bilo 988 pacijenata. Na peritonealnoj dijalizi je bilo 72 pacijenata.

Pregled troškova i broja izvršenih usluga hemodijalize za period 01.01. – 31.12.2023. godine, po zdravstvenim ustanovama iskazan je u Tabeli 3 Priloga, a broj izvršenih usluga hemodijalize i troškova po kantonima prikazan je u Tabeli 3.1. Priloga-Prijevoz na hemodijalizu.

4.2. Prevoz na hemodijalizu

Troškovi prevoza na hemodijalizu u 2023. godini finansirali su se po cijenama utvrđenim Cjenovnikom zdravstvenih usluga koje se finansiraju sredstvima federalnog fonda solidarnosti, a koje su utvrđene prema broju pređenih kilometara. Prevoz pacijenata na dijalizu vrše domovi zdravlja i druge zdravstvene ustanove ovlaštene za obavljanje usluga prevoza pacijenata na dijalizu.

Rashodi za usluge prevoza pacijenata na hemodijalizu u 2023. godini su iznosili 2.505.279 KM.

Pregled troškova za usluge prijevoza na dijalizu prikazan je u Tabeli 3.2. Priloga.

4.3. Usluge radioterapije kod malignih oboljenja

Ukupni rashodi za usluge radioterapije u 2023. godini su iznosili 7.419.863 KM od čega se na usluge radioterapije odnosi 6.281.893 KM, dok su troškovi BO dana iznosili 1.137.970 KM.

Usluge radioterapije su pružane u bolničkom tretmanu pacijentima sa težim oblicima malignih oboljenja iz udaljenih područja u Federaciji BiH, a na ambulantnom tretmanu su bili pacijenti sa lakšim oblicima malignih oboljenja i pacijenti sa mjestom boravka bližim zdravstvenoj ustanovi u kojoj se pružaju usluge radioterapije.

Usluge radioterapije u 2023. godini su pružane u UKC Sarajevo, KB Zenica i SKB Mostar. Zbog kvara na aparatu usluge radioterapije u 2023. godini pacijentima iz Tuzlanskog kantona su pružane u SKB Mostar, UKC Sarajevo i KB Zenica. Pruženo je ukupno 19.131 usluga za 2.620 pacijenta. Za 758 pacijenta kojima su usluge pružene u bolničkom tretmanu plaćeno je 18.149 BO dana.

U Tabeli 4. Priloga prikazan je pregled izvršenih usluga i troškova radioterapije, po lokalizacijama, po zdravstvenim ustanovama, a u Tabeli 4.1 Priloga prikazan je pregled izvršenih usluga i troškova radioterapije, po kantonima za period 01.01.-31.12.2023. godine.

4.4. Usluge dijagnostičkih pretraga na hepatitis C i težih oblika hepatitisa B

U 2023. godini, u okviru ovog programa finansirani su slijedeći troškovi :

-) dijagnostičke pretrage na hepatitis C (biopsija jetre, kvantitativni i kvalitativni PCR, genotipizacija virusa);
-) dijagnostičke pretrage na hepatitis B (HVB DNA kvantitativni, biopsija jetre);
-) lijekovi za liječenje oboljelih od hepatitisa C i hepatitisa B u skladu sa Odlukom o Listi lijekova u bolničkoj zdravstvenoj zaštiti koji se mogu koristiti na teret sredstava federalnog fonda solidarnosti.

Dijagnosticiranje i liječenje provodi se, saglasno Uputstvu za provođenje dijagnostike i liječenje oboljelih od hepatitisa C i hepatitisa B izdatog od strane Federalnog ministarstva zdravstva, u tri klinička centra (Sarajevo, Tuzla i Mostar), a nastavak terapije se provodi u kantonalnim bolnicama, odnosno ovlaštenim zdravstvenim ustanovama.

Ukupni rashodi za pruženih 349 usluga dijagnosticiranja oboljelih od hepatitisa C i hepatitisa B u 2023. godini iskazani su u iznosu od 117.119 KM.

4.5. Ugradnja kohlearnog implantata kod djece

Kod djece sa oštećenim sluhom, sredstvima federalnog fonda solidarnosti finansiraju se troškovi ugradnje kohlearnog implantata (vještačke pužnice), u visini od 50% ukupnih troškova nabavke i ugradnje kohlearnog implantata, a preostalih 50% iz sredstava kantonalnih zavoda zdravstvenog osiguranja ili iz drugih izvora (donacije, lično učešće i sl.).

U okviru ovog programa saglasno Odluci Upravnog odbora Federalnog zavoda osiguranja i reosiguranja na teret sredstava federalnog fonda solidarnosti u 2023. godini sufinansirala se i zamjena dotrajalog procesora na ugrađenom kohlearnom implantatu u iznosu od 50% od nabavne cijene procesora.

Troškovi ugradnje implantata i zamjene procesora na implantatu u 2023. godini su iznosili 247.237 KM.

4.6. Usluge dobrovoljnog, anonimnog i besplatnog savjetovanja i testiranja na HIV/AIDS

U okviru ovog programa sredstvima federalnog fonda solidarnosti u 2023. godini finansirani su troškovi po osnovu:

- ☐ savjetovanja prije i nakon testiranja na HIV;
- ☐ testiranja na HIV/AIDS;
- ☐ dijagnosticiranja za sve slučajeve kojima je nakon testiranja nalaz testa na HIV pozitivan i to dijagnostičkim postupcima: Western-Blot, PCR- kvantitativni i kvalitativni i genotipizacija;
- ☐ testiranja na hepatitis C licima kojima su u programu dobrovoljnog, anonimnog i besplatnog savjetovanja i testiranja na HIV/AIDS, prema utvrđenim cijenama po jednoj usluzi

Program dobrovoljnog i anonimnog savjetovanja i testiranja na HIV/AIDS provodi u zdravstvenim ustanovama u Federaciji BiH koje su verifikovane od strane Federalnog ministarstva zdravstva.

U okviru hospitalnog liječenja pacijenata pozitivnih HIV virusom, sredstvima federalnog fonda solidarnosti finansiraju se samo lijekovi sa Liste antiretroviralnih lijekova, dok se ostali troškovi hospitalizacije ne finansiraju iz sredstava federalnog fonda solidarnosti.

U 2023. godini izvršeno je ukupno 5.080 usluga savjetovanja i testiranja na HIV/AIDS za šta je utrošeno 150.322 KM.

U Tabeli 6. Priloga dat je pregled troškova za testiranje na HIV/AIDS i lijekove za liječenje oboljelih, po zdravstvenim ustanovama.

4.7. Usluge novorođenačkog skrininga na kongenitalni hipotireoidizam, fenilketonuriju i adrenalnu hiperplasiu

U okviru ovog programa, u 2023. godini finansirani su troškovi testiranja novorođene djece u Federaciji BiH na:

- ☐ kongenitalni hipotireoidizam;
- ☐ fenilketonuriju;
- ☐ adrenalnu hiperplasiu i
- ☐ troškovi dijagnosticiranja i liječenje otkrivenih slučajeva hipotireoidizma, fenilketonurije i adrenalne hiperplasie u toku testiranja.

Rashodi programa testiranja i liječenja otkrivenih slučajeva hipotireoze, fenilketonurije i adrenalne hiperplasie, u 2023. godini su iznosili 205.311 KM. Ukupan broj pruženih usluga je 32.713.

Obim izvršenih usluga testiranja djece i visina iskazanih troškova ovog programa se kreće u zavisnosti od broja novorođene djece tokom godine.

Pregled broja izvršenih usluga i troškova za izvršenje ovog programa u 2023. godini, po zdravstvenim ustanovama prikazan je u Tabeli 7 Priloga.

4.8. Usluge iz oblasti kardiologije i kardiohirurgije u Federaciji BiH

Federalni zavod osiguranja i reosiguranja za obezbjeđenje usluga iz kardiologije i kardiohirurgije u 2023. godini zaključio je ugovor sa šest zdravstvenih ustanova u FBiH i to: UKC Sarajevo, UKC Tuzla, SKB Mostar, Centar za srce Sarajevo, PZU Vitalis Mostar, Medical institute Bayer Tuzla i Plava poliklinika Tuzla.

Ugovorima o pružanju usluga u 2023. godini zaključenim sa navedenim zdravstvenim ustanovama, utvrđen je sadržaj i obim zdravstvenih usluga.

U okviru programa kardiologije i kardiohirurgije u 2023. godini finansirani su troškovi:

-) pružanja usluga invazivne i interventne kardiologije;
-) pružanje usluga elektrofizioloških ispitivanja srca sa radiofrekventnom ablacijom;
-) usluga operativnih kardiohirurških zahvata kod odraslih i
-) operativni zahvati kongenitalnih srčanih mana kod djece u zdravstvenim ustanovama u Federaciji BiH.

Ukupni rashodi za izvršene usluge iz programa kardiologije i kardiohirurgije u 2023. godini su iznosili 49.073.974 KM. Ukupno je izvršeno 10.879 usluga za 8.584 pacijenata.

Posmatrano po strukturi usluga rashodi su iznosili:

-) usluge iz invanzivne i interventne kardiologije 26.246.621 KM;
-) elektrofiziološka ispitivanja srca sa radiofrekeventnom ablacijom 3.855.894 KM;
-) usluge kardiohiruških operativnih zahvata odraslih 18.849.244 KM;
-) usluge kardiohiruških operativnih zahvata urođenih srčanih mana kod djece 122.219 KM.

Sa 31.12.2023. godine na Listi čekanja evidentirano ukupno 891 pacijenata, od kojih 787 pacijent za uslugu invanzivne i interventne kardiologije i 104 pacijenata na operativne zahvate.

Pregled izvršenih usluga i troškova kardiologije i kardiohirurgije po zdravstvenim ustanovama prikazan je u Tabeli 10, a po kantonima u Tabeli 10.1. Priloga.

4.9. Usluge iz oblasti neurohirurgije u Federaciji BiH

Rashodi programa neurohirurgije, u 2023. godini su iznosili 5.658.764 KM. Pružanje usluga iz ovog programa ugovoreno je sa UKC Sarajevo, SKB Mostar, UKC Tuzla i KB "Dr Safet Mujić" Mostar.

U 2023. godini usluge su pružene za 1.026 pacijenta za koje je izvršeno 1.155 usluga.

Pregled izvršenih neurohirurških usluga kao i troškova za 2023. godinu po vrstama operativnih zahvata, po zdravstvenim ustanovama i kantonima prikazani su u Tabeli br. 11 i Tabeli broj 11.1. Priloga.

4.10. Usluge iz oblasti ortopedije i traumatologije

U okviru programa ortopedije i traumatologije sredstvima federalnog fonda solidarnosti finansirani su operativni zahvati: deformiteti kičme kod djece, multipli prelomi kičme i multipli prelomi karlice. Pružanje ovih usluga je ugovoreno sa UKC Sarajevo, UKC Tuzla i SKB Mostar. Ukupni rashodi na ovom programu u 2023. godini su iznosili 696.739 KM. Ukupno je izvršeno 114 usluga za 113 pacijenata.

U Tabeli 12 Priloga prikazan je pregled broja usluga i troškova ortopedije i traumatologije po zdravstvenim ustanovama i kantonima u 2023. godini.

4.11. Usluge iz oblasti torakohirurgije

U 2023. godini, u okviru programa torakohirurgije finansirani su troškovi pružanja usluga operativnih zahvata karcinoma bronha i karcinoma jednjaka. Usluge iz oblasti torakohirurgije u 2023. godini ugovorene su i pružane u UKC Sarajevo, UKC Tuzla i SKB Mostar. Ukupni rashodi za ove operativne zahvate iskazani su u iznosu od 678.542 KM. Izvršeno je 120 operativnih zahvata za 119 pacijenata.

Pregled broja izvršenih usluga i troškova torakohirurgije po zdravstvenim ustanovama i kantonima prikazan je u Tabeli 13 Priloga.

4.12. Usluge iz oblasti transplantologije

U 2023. godini iz oblasti transplantologije, sredstvima federalnog fonda solidarnosti finansirani su slijedeći troškovi:

-) dijagnostičke i laboratorijske pretrage za uvrštavanje na listu čekanja za transplantaciju bubrega, dijagnostičke i laboratorijske pretrage u svrhu održavanja na Listi čekanja i pretrage u slučaju kliničkih indikacija, za dijalizirane bolesnike kod kojih postoji indikacija za transplantaciju bubrega (sa živog davaoca ili kadavera);
-) pripreme za transplantaciju i transplantacija bubrega sa živog davaoca;
-) transplantacija jetre sa živog davaoca;
-) transplantacija organa sa kadavera (utvrđivanje moždane smrti, održavanje kadaveričnog donora, eksplantacija organa, transplantacija bubrega, jetre i rožnjače);
-) transplantacija matičnih ćelija hematopoeze (autologna transplantacija) koja uključuje i tipizaciju tkiva za transplantaciju matičnih ćelija i kriokonzervacija matičnih ćelija;
-) alogena transplantacija koštane srži;
-) usluge transplantacijskog koordinatora.

Usluge transplantacije organa pružane su u UKC Sarajevo i UKC Tuzla, a usluge tipizacije tkiva u svrhu upućivanja pacijenata na Listu čekanja za transplantaciju bubrega u Zavodu za transfuzijsku medicinu Federacije BiH. Ukupni rashodi za program transplantologije u 2023. godini iznosili su 2.466.417 KM.

U 2023. godini izvršene su 59 transplantacija i to: 14 transsplantacije bubrega 40 transplantacije koštane srži, 4 transplantacije jetre i 1 transplantacija rožnjače.

Pregled broja izvršenih transplantacija u 2023. godini po zdravstvenim ustanovama

Naziv usluge	UKC Sarajevo	UKC Tuzla	Ukupno
Transplantacija bubrega	5	9	14
Transplantacija koštane srži	37	3	40
Transplantacija jetre	4		4
Transplantacija rožnjače	1		1
Ukupno	46	12	59

Pregled izvršenih usluga i troškova za program transplantologije, dat je u Tabeli br.14 Priloga.

4.13. Visokodozna terapija radioaktivnim jodom J-132

U okviru programa nuklearne medicine finansiraju se usluge terapije karcinoma štitnjače radioaktivnim jodom J-132. Rashodi za ove usluge u 2023. godini iznosili su 305.834 KM. Ukupno je pruženo 180 usluga za 159 pacijenata.

Usluge terapije karcinoma štitnjače radioaktivnim jodom godini pružene su u UKC Sarajevo i SKB Mostar.

4.14. Usluge PET/CT

U skladu sa Programom zdravstvene zaštite usluge PET/CT finansiraju se sredstvima federalnog fonda solidarnosti za djecu do navršenih 18 godina života.

Rashodi za usluge PET/CT za djecu do 18 godina iznosili su 16.675 KM. Usluge su pružene za 8 pacijenata.

4.15. Usluge iz oblasti vaskularne hirurgije i invazivno-interventnih procedura na krvnim sudovima

U okviru programa vaskularne hirurgije sredstvima federalnog fonda solidarnosti finansiraju se složeni operativni zahvati krvnih sudova, glave i vrata, kao i invazivno interventne dijagnostičko-terapijske procedure na krvnim sudovima.

Ukupni rashodi za izvršenje ovog programa u 2023. godini iznosili su 5.124.150 KM. Usluge su pružane u UKC Sarajevo, UKC Tuzla, SKB Mostar, KB Zenica, KB „Dr Safet Mujić“ Mostar i Medical Institute Bayer Tuzla. Pruženo je 487 usluga za 470 pacijenata.

Pregled izvršenih usluga i troškova vaskularne hirurgije i invazivno-interventnih dijagnostičko-terapijskih procedura na krvnim sudovima prikazan je u Tabeli 15 Priloga.

4.16. Najsloženiji oblici zdravstvene zaštite iz oblasti urologije

U okviru ovog programa sredstvima federalnog fonda solidarnosti finansiraju se usluge složenih operativnih zahvata iz oblasti urologije i to: implantacija vještačkog sfinktera uretre, AMS-800 i cistektomija sa supavezikalnom derivacijom (Bricker, Mainz-Pouch, Hautman). Rashodi za navedene usluge u 2023. godini iznosili su 227.681 KM. Izvršeno je ukupno 60 usluga za 60 pacijenata.

Pregled izvršenih usluga i troškova najsloženijih oblika iz oblasti urologije dat je u Tabeli 16 Priloga.

4.17. Terapija hiperbaričnom komorom


Troškovi terapije hiperbaričnom komorom u 2023. godini su iznosili 49.476 KM. Za 4 pacijenata pruženo je 193 usluge.

5. Lijekovi i potrošni medicinski materijal

Sredstvima federalnog fonda solidarnosti u 2023. godini financirala se nabavka medicinskog potrošnog materijala i lijekova utvrđenih Listom lijekova Fonda solidarnosti kako slijedi:


-) Lijekovi za terapiju malignih neoplazmi, citostatici i citostatici sa posebnim režimom propisivanja;
-) Lijekovi za dijalizu;
-) Potrošni materijal za dijalizu;
-) Lijekovi za liječenje oboljelih od hemofilije;
-) Humani imunoglobulini;
-) Lijekovi za liječenje oboljelih od hepatitisa B i C;
-) Lijekovi za liječenje oboljelih od multipla skleroze;
-) Lijekovi za liječenje upalnih bolesti debelog crijeva (Morbus Chron, ulcerozni kolitis);
-) Lijekovi za liječenje plućne hipertenzije;
-) Lijekovi za liječenje oboljelih od tuberkuloze;
-) Antiretrovirusni lijekovi za liječenje oboljelih od HIV/AIDS;
-) Lijekovi za profilaksu respiratornog sincicijalnog virusa (RSV);
-) Aparati i trakice za kontrolu šećera u krvi;
-) Imunosupresivni lijekovi nakon transplantacije organa;
-) Lijekovi za liječenje cistične fibroze;

Rashodi lijekova i medicinskih sredstva u 2023. godini su iznosili 156.837.406 KM i bili su veći za 3% ili 5.099.106 KM u odnosu na planirane rashode.





Iz prethodnog dijagrama evidentno je da su rashodi lijekova u periodu 2018-2023. godine u konstantnom porastu. Rashodi lijekova u 2023. godini u odnosu na 2018. godinu su se uduplali, dok je prosječan godišnji rast rashoda lijekova u istom periodu iznosio 15,51%. Broj liječenih pacijenata lijekovima koji se financiraju sredstvima fonda solidarnosti takođe bilježi porast u periodu 2018-2023. godine. U navedenom periodu broj liječenih pacijenata je u prosjeku godišnje rastao za 4,67%.

Znatno brži rast rashoda lijekova u odnosu na rast broja pacijenata je rezultat uvođenja skupih inovativnih lijekova u Listu lijekova Federalnog fonda solidarnosti među kojima prednjače lijekovi iz grupe citostatika.



U strukturi ukupnih rashoda lijekova i potrošnog medicinskog materijala u 2023. godini, dvije trećine (64%) se odnosi na lijekove za liječenje malignih oboljenja što je prikazano u narednom dijagramu.





5.1. Citostatiki

Lijekovi za liječenje malignih oboljenja po broju liječenih pacijenata i visini troškova čine vodeći program u odnosu na ostale lijekove iz programa federalnog fonda solidarnosti. Od ukupno iskazanih rashoda fonda solidarnosti u 2023. godini učešće citostatika je 37%, a u okviru potrošnje lijekova i potrošnog medicinskog materijala citostatiki učestvuju sa 63% potrošnje.

Rebalansom Finansijskog plana za 2023. godinu, internom preraspodjelom sredstva, kao i korištenjem sredstava tekuće rezerve sredstva za ovu grupu lijekova su povećana za 17,91 mil. KM u odnosu na prvobitni Finansijski plan za 2023. godinu.

Odlukom Upravnog odbora Federalnog zavoda o korištenju sredstava tekuće rezerve za 2023. godinu, tekuća rezerva koja je planirana Finansijskim planom u iznosu od 2.000.000 KM je raspoređena za nabavku citostatika.

Imajući u vidu efekte primjene Rebalansa finansijskog plana za 2023. godinu, interne preraspodjele i odluku o raspodjeli sredstava tekuće rezerve na citostatike, ukupno planirana sredstva za nabavku citostatika u 2023. godinu su iznosila 92.715.300KM.

Ukupni rashodi ove grupe lijekova u 2023. godini su iznosili su 99.568.395 KM i bili su veći za 7% ili 6.853.095 KM od planiranih sredstava.

Broj pacijenata sa indikacijom za liječenjem sa citostaticima je permanentnom porastu. U toku 2023. godine citostaticima je liječeno 14.433 pacijenata što je za 8,45% ili 1.116 pacijenata više u odnosu na prethodnu godinu.

Iako se sredstva za nabavku citostatika povećavaju svake godine, i dalje nije omogućeno liječenje svih pacijenata za koje je utvrđena indikacija za liječenjem ovom grupom lijekova. Zaključno sa 31.12.2023. godine evidentirano je 938 pacijenata na listi čekanja.

Federalni zavod ne može obezbijediti povećanje sredstva za finansiranje svih potreba samo iz doprinosa za zdravstveno osiguranje, te je iz tog razloga u narednom periodu potrebno značajnije povećati finansiranje od strane Budžeta Federacije BiH.

Pregled potrošnje citostatika u 2023. godini po kantonima i zdravstvenim ustanovama prikazan je u Tabeli br. 5. Priloga, za period 01.01.-31.12.2023. godine.

5.2. Lijekovi za dijalizu

Iz sredstava Federalnog fonda solidarnosti u 2023. godini finansirala se nabavka lijekova za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Rashodi za lijekove za dijalizu u 2023. godinu iznosili su 5.291.705 KM. Posmatrano u odnosu na prethodnu godinu došlo je do pada potrošnje ove grupe lijekova iz razloga što je smanjen broj pacijenata na dijalizi. Ukupan broj pacijenata koji su koristili ovu grupu lijekova u 2023. godini je bio 1.715.

5.3. Potrošni materijal za dijalizu

Pored lijekova za dijalizu iz sredstava Federalnog fonda solidarnosti u 2023. godini finansirala se i nabavka potrošnog materijala za pacijente kojima se pružaju usluge hronične i akutne hemodijalize u zdravstvenim ustanovama-dijaliznim centrima, kao i za pacijente koji su na programu peritonealne dijalize.

Troškovi potrošnog materijala za dijalizu u 2023. godini iznosili su 17.114.107 KM. Posmatrano po strukturi troškovi potrošnog materijala za peritonealnu dijalizu su iznosili 1.577.209 KM za 72 pacijenata, dok su troškovi potrošnog materijala za akutnu i hroničnu dijalizu iznosili 15.553.114 KM za 1.901 pacijenata.

5.4. Lijekovi za liječenje oboljelih od hemofilije

Za liječenje oboljelih od hemofilije, sredstvima federalnog fonda solidarnosti u 2023. godini finansirala se nabavka faktora koagulacije za sve oboljele od hemofilije. Ukupni rashodi lijekova za liječenje hemofilije u 2023. godini su iznosili 10.481.477 KM. U toku godine liječeno je 86 pacijenata.

5.5. Humani imunoglobulini

Troškovi humanih imunoglobulina u 2023. godini su iznosili 1.253.499 KM. Ukupan broj liječenih pacijenata u 2023. godini je bio 108.

Pregled broja liječenih i iskazanih troškova liječenja oboljelih od hemofilije po kantonima prikazan je u Tabeli 8. Priloga.

5.6. Lijekovi za hepatitis B i C

Troškovi lijekova za liječenje hepatitisa B i C u 2023. godini iznosili su 2.576.138 KM. Tokom 2023. godine ukupno su liječena su 823 pacijenata.

Posmatrano po dijagnozi, troškovi lijekova za liječenje hepatitisa C su iznosili 2.349.201 KM za 97 liječenih pacijenata, dok su troškovi lijekova za liječenje hepatitisa B iznosili 226.031 KM za liječenje 726 pacijenata.

Pregled troškova dijagnosticanja na Hepatitis C i B i troškova lijekova za liječenja oboljelih od hepatitisa C i Hepatitisa B u 2023. godini, po zdravstvenim ustanovama prikazan je u Tabeli 9. Priloga.

5.7. Lijekovi za liječenje multiple skleroze

Ukupni rashodi za liječenje oboljelih od multiple skleroze u 2023. godini iznosili su 8.846.980 KM. U 2023. godini su liječena 694 pacijenta. Međutim, i pored više izdvojenih sredstava za ovu grupu lijekova, zaključno sa 31.12.2023. godine, na listi čekanja je evidentirana 168 pacijenata.

5.8. Lijekovi za liječenje upalnih bolesti debelog crijeva (Chronove bolesti i ulceroznog kolitisa)

Rashodi za liječenje oboljelih od Chronove bolesti i ulceroznog kolitisa u 2023. godini su iznosili 5.599.455 KM. Ukupno je liječeno 413 pacijenata. Posmatrano u odnosu na prethodnu godinu rashodi ove grupe lijekova su bili veći za 17%. Razlog povećanja rashoda je veći broj liječenih pacijenata. U 2023. godini je liječeno 413 pacijenata što je za 86 više nego u prethodnoj godini.

5.9. Lijekovi za liječenje plućne hipertenzije

U 2023. godini troškovi lijekova za liječenje plućne hipertenzije su iznosili 167.704 KM. Lijekovi su obezbjeđeni za 11 pacijenata.

5.10. Lijekovi za liječenje tuberkuloze

U 2023. godini troškovi lijekova za liječenje tuberkuloze su iznosili 87.630 KM. Lijekovi su obezbjeđeni za 560 pacijenta.

5.11. Antiretrovirusni lijekovi za liječenje oboljelih HIV/AIDS

Troškovi antiretrovirusnih lijekova za liječenje oboljelih od HIV/AIDS u 2023. godini su iznosili 2.050.818 KM. Liječeno je 179 pacijenata.

U Tabeli 6. Priloga dat je pregled troškova lijekova za liječenje oboljelih od HIV/AIDS, po zdravstvenim ustanovama.

5.12. Lijekovi za profilaksu respiratornog sincicijalnog virusa

U okviru ovog programa, u 2023. godini je izvršena nabavka lijeka palivizumab koji se koristi za djecu mlađu od 24 mjeseca života, a u cilju zaštite od respiratornog sincicijalnog virusa (RSV). Troškovi ovog lijeka u 2023. godini su iznosili 901.727 KM.

5.13. Nabavka aparata i traka za kontrolu šećera u krvi kod djece

U okviru ovog programa sredstvima federalnog fonda solidarnosti finansira se nabavka aparata i traka za kontrolu šećera u krvi kod djece sa registriranim dijabetesom, kao i nabavka inzulinskih pumpi.

Nabavku aparata i trakica za kontrolu šećera u krvi vrši Federalni zavod osiguranja i reosiguranja.

Ukupni rashodi za nabavljene aparate trakice i inzulinske pumpe za kontrolu šećera u krvi u 2023. godini iznosili su 488.529 KM. Rashodi trakica i aparata za kontrolu šećera su iznosili 232.456 KM za 720 pacijenata, dok su rashodi inzulinskih pumpi iznosili 256.073 KM za 49 pacijenata.

5.14. Imunosupresivni lijekovi

Troškovi imunosupresivnih lijekova u 2023. godini su iznosili 2.039.402 KM za 383 pacijenta. Imunosupresivne lijekove koriste svi pacijenti kao trajnu terapiju nakon izvršene transplantacija organa, a saglasnost za korištenje imunosupresivnih lijekova izdaje Komisija za izdavanje saglasnosti za liječenje imunosupresivima saglasno Uputstvu za liječenje imunosupresivima izdatom od strane Federalnog ministarstva zdravstva.

5.15. Lijekovi za liječenje cistične fibroze

Troškovi lijekova za liječenje cistične fibroze u 2023. godini su iznosili 369.841 KM za liječenje 10 pacijenata. S obzirom da su troškovi za ovu grupu lijekova evidentirani samo za decembar 2023. godine, te da godišnji troškovi liječenja za jednog pacijenta iznose cca 500.000 KM, procjena je da će u 2024. godini za 10 pacijenata biti potrebno 5 mil. KM.

6. Bolničko liječenje povratnika iz Federacije BiH u općine u R Srpskoj

Ostvarivanje prava povratničke populacije iz Federacije BiH u R Srpsku je regulisano Odlukom o ostvarivanju prava iz bolničke zdravstvene zaštite povratnika iz Federacije BiH u R Srpsku u zdravstvenim ustanovama u Federaciji BiH („Sl.novine Federacije BiH“, br. 84/14 i 36/15).

U 2023. godini rashodi liječenja povratnika iz Federacije BiH u R Srpsku su iznosili 2.008.129 KM.

7. Program liječenja u inostranstvu

Programom zdravstvene zaštite utvrđeno je da se pacijenti sa oboljenjima i stanjima odnosno povredama koji se ne mogu uspješno liječiti u zdravstvenim ustanovama u Federaciji BiH, a koja su definirana Pravilnikom o uslovima i postupku upućivanja na liječenje u inostranstvo, liječe u zdravstvenim ustanovama u inostranstvu.


Liječenje pacijenta se provodi u zdravstvenim ustanovama u inostranstvu sa kojima je Federalni zavod osiguranja i reosiguranja zaključio ugovore, odnosno u zdravstvenim ustanovama sa kojima Bosna i Hercegovina ima zaključene međudržavne ugovore o socijalnom osiguranju koji predviđaju mogućnost upućivanja osiguranika jedne države na liječenje u drugu državu.

Upućivanje pacijenata na liječenje vrši se na osnovu izdate saglasnosti od strane nadležne komisije, imenovane od strane Federalnog ministarstva zdravstva.

Troškovi liječenja u inostranstvu u 2023. godini iznosili su 21.027.454 KM. Posmatrano u odnosu na prethodnu godinu troškovi liječenja u inostranstvu su bili veći za 34% ili 5,33 mil. KM.

Pregled troškova liječenja u 2023. godini po vrstama oboljenja sa uporednim prikazom 2022. godine

R. br.	Oboljenje	2022	2023	Ind 2023/2022
1	Dječija kardiologija	3.893.722	4.311.343	111
2	Rijetke patologije	3.594.148	3.774.801	105
3	Transplantacija koštane srži	2.795.118	5.615.425	201
4	Dječija onkologija	1.619.609	1.425.188	88
5	Transplantacija organa-jetra	1.291.982	1.153.677	89
6	Gama nož	804.461	1.166.885	145
7	Ugradnja srčane pumpe	737.694	737.694	100
8	Transplantacija organa-bubrezi	402.592	362.043	90
9	Transplantacija pluća	190.915	7.772	4
10	Ostala oboljenja	155.597	35.826	23
11	Embolizacija, stentiranje i koilovanje krvnih sudova	68.635	741.922	1.081
12	Elektrofiziološka ispitivanja	67.013	32.274	48
13	Transplantacija organa-rožnica	37.482	19.938	53
14	Tumori oka kod djece i odraslih	28.201	114.974	408
15	Transplantacija organa-srce	8.218	175.067	2.130
16	Osteosarcom		208.919	
17	Opekotine		1.143.705	
	UKUPNO	15.695.388	21.027.454	134



U prilogu izvještaja (Tabela br.17) dat je pregled troškova liječenja po kantonima i dijagnozama.

8. Ostali rashodi u funkciji provođenja programa federalne solidarnosti

Ostali rashodi u funkciji provođenja programa federalne solidarnosti odnose se na troškove: provođenja postupka javnih nabavki lijekova i potrošnog materijala koji se finansiraju sredstvima federalne solidarnosti, isplate naknada za rad komisija za izdavanje saglasnosti za liječenje na teret sredstava federalne solidarnosti, naknada za rad drugih stručnih komisija u postupku ostvarivanja prava koja se osiguravaju sredstvima federalne solidarnosti.

Ukupni rashodi za ove namjene u 2023. godini iznosili su 282.093 KM.

9. Sufinansiranje troškova pruženih zdravstvenih usluga i nabavke lijekova u skladu sa Pravilnikom o načinu ostvarivanja prava iz obaveznog zdravstvenog osiguranja

Pravilnikom o dopuni Pravilnika o načinu ostvarivanja prava iz obaveznog zdravstvenog osiguranja koje je donijelo Federalno ministarstvo zdravstva („Sl.novine Federacije BiH“, br.31/02 i 20/19) utvrđeno je da osigurana lica mogu ostvariti pravo na sufinansiranje, od strane zavoda zdravstvenog osiguranja, pruženih zdravstvenih usluga i nabavke lijekova. Kriteriji, način i postupak odobravanja ovih prava utvrđen je Odlukom o sufinansiranju pruženih zdravstvenih usluga i nabavki lijekova saglasno navedenom Pravilniku. U skladu sa navedenim, Odlukama Upravnog odbora Zavoda odobreno je u 2023. godini sufinansiranje troškova zdravstvenih usluga i nabavke lijekova u iznosu od 303.201 KM.

10. PRILOZI

- Tabela 1. Pregled prihoda od doprinosa ostvarenih u obaveznom zdravstvenom osiguranju, za period januar-decembar 2023.;
- Tabela 2. Ukupni rashodi fonda solidarnosti, za period januar-decembar 2023.;
- Tabela 3. Pregled usluga i troškova hemodijalize, po zdravstvenim ustanovama, za period januar-decembar 2023.;
- Tabela 3.1. Pregled usluga i troškova hemodijalize, po kantonima, za period januar- decembar 2023.;
- Tabela 3.2. Pregled troškova prijevoza na hemodijalizu, po kantonima za period januar-decembar 2023.;
- Tabela 4. Pregled izvršenih usluga radioterapije, po zdravstvenim ustanovama za period januar- decembar 2023.;
- Tabela 4.1. Pregled izvršenih usluga radioterapije, po kantonima za period januar- decembar 2023.;
- Tabela 5. Pregled troškova za citostatike, po kantonima i zdravstvenim ustanovama, za period januar-decembar 2023.;
- Tabela 6. Pregled troškova za liječenje od AIDS-a, po zdravstvenim ustanovama, za period januar-decembar 2023.;
- Tabela 7. Pregled troškova za program novorođenačkog skrininga na kongenitalni hipotireoidizam i fenilketonuriju, po zdravstvenim ustanovama za period januar-decembar 2023.;
- Tabela 8. Pregled troškova za liječenje hemofilije i humani imunoglobulin, po kantonima, za period januar- decembar 2023.;
- Tabela 9. Pregled troškova dijagnostičkih pretraga i lijekova za hepatitis C i hepatitis B, po zdravstvenim ustanovama, za period januar-decembar 2023.;
- Tabela 10. Pregled obima izvršenih usluga i troškova kardiologije i kardiohirurgije po zdravstvenim ustanovama, za period januar-decembar 2023.;
- Tabela 10.1 Pregled obima izvršenih usluga i troškova kardiologije i kardiohirurgije, po kantonima, za period januar-decembar 2023.;
- Tabela 11. Pregled obima izvršenih usluga i troškova neurohirurgije, po zdravstvenim ustanovama, za period januar-decembar 2023.;
- Tabela 11.1 Pregled obima izvršenih usluga i troškova neurohirurgije, po kantonima, za period januar- decembar 2023.;
- Tabela 12. Pregled obima izvršenih usluga i troškova ortopedije i traumatologije, po zdravstvenim ustanovama i kantonima, za period januar-decembar 2023.;
- Tabela 13. Pregled obima izvršenih usluga i troškova torakohirurgije, po zdravstvenim ustanovama i kantonima, za period januar-decembar 2023.;
- Tabela 14. Pregled obima izvršenih usluga i troškova transplantologije, po zdravstvenim ustanovama za period januar-decembar 2023.;

Tabela 15. Pregled obima izvršenih usluga i troškova vaskularne hirurgije, invazivne i interventne angiologije, po zdravstvenim ustanovama, za period januar-decembar 2023.;

Tabela 16. Pregled obima izvršenih usluga i troškova najsloženijih oblika zdravstvene zaštite iz oblasti urologije, po zdravstvenim ustanovama, za period januar-decembar 2023.;

Tabela 17. Pregled troškova liječenja u inostranstvu po oboljenjima i kantonima za period januar-decembar 2023.